

Raporti i Ecurisë së Veprimtarisë dhe i Drejtimit të Brendshëm

Devoll Hydropower Sh.A. (DHP)



2021



PËRMBAJTJA

4 Raporti i Ecurisë së Veprimtarisë

4 Përshkrim i shoqërisë

7 Vlerat

7 Qëndrueshmëria

8 Strategjia

9 Objektivat e ecurisë

9 Ecuria financiare

11 Vijimësia

12 Administrimi i rrezikut

17 Qëndrueshmëria

19 Informacion shpjegues social

23 Administrimi social dhe mjedisor

26 Informacion shpjegues ekonomik

30 Raporti i Drejtimit të Brendshëm

31 Bordi Mbikëqyrës


31 Drejtimi i brendshëm

33 Administrimi i Rrezikut dhe Kontrolli i Brendshëm

37 Treguesit kryesorë

38 Matësit Alternativë të Ecurisë





DHP është e dedikuar për të ofruar standarde Evropiane dhe praktika të mira të industrisë duke ndërtuar hidrocentrale optimale, duke prodhuar energji të rinovueshme dhe në harmoni me mjedisin.



Raporti i Ecurisë së Veprimtarisë

Përshkrim i shoqërisë

Devoll Hydropower Sh.A. (DHP) është një shoqëri e regjistruar në Shqipëri, në pronësi të Statkraft Markets B.V., një shoqëri e regjistruar në Hollandë, pjesë e Grupit Norvegjez Statkraft. Në përputhje me një Marrëveshje Koncesioni, DHP është përgjegjëse për ndërtimin dhe operimin e Projektit Hidroenergjetik të Devollit përgjatë lumit Devoll, në Shqipërinë Juglindore. Marrëveshja e Koncesionit bazohet në një model BOOT (Ndërtim-Zotërim-Operim-Transferim) dhe u nënshkrua me Qeverinë e Shqipërisë në 19.12.2008, miratuar nga Parlamenti Shqiptar përmes Ligjit Nr. 10083, datë 23.02.2009, i ndryshuar.

DHP operon dy hidrocentrale të mëdha (Banja dhe Moglica) me një kapacitet total të instaluar prej afërsisht 269 MW dhe një prodhim mesatar prej afërsisht 700 GWh / vit të energjisë së rinovueshme, në harmoni me mjedisin. DHP është gjithashtu tregtues i energjisë në tregun lokal dhe rajonal të energjisë.

HEC-i i Banjës filloi veprimtarinë tregtare në 2016, ndërsa HEC-i Moglicës filloi veprimtarinë tregtare në tremujorin e dytë të vitit 2020. DHP do të vlerësojë se si të zhvillojë më tej potencialin hidroenergjetik të lumit Devoll brenda të drejtave të Marrëveshjes së Koncesionit pas pajtueshmërisë me kërkesën minimale teknike të koncesionit.


DHP ka zyrat e saj në Tiranë, me zyra ne terren në të dy hidrocentralet, Banjë dhe Moglicë. Projekti Hidroenergjetik i Devollit përcakton një pikë referimi të rëndësishme, duke tërhequr investime të huaja në sektorin energjetik shqiptar dhe duke përmirësuar sigurinë dhe stabilitetin e sistemit energjetik të vendit.

Raporti Vjetor 2021

Duke filluar nga viti 2020, DHP publikon pasqyrat financiare vjetore dhe RAPORTIN E ECURISË SË VEPRIMTARISË DHE DREJTIMIT TË BRENDSHËM në faqen e internetit të DHP-së. Çdo vit, DHP dorëzon këto dokumente në Qendrën Kombëtare të Biznesit në Shqipëri.


DHP thekson komunikimin transparent me të gjithë palët e interesuara. Informacioni që shoqëria i ofron aksionarit të saj dhe palëve të tjera të interesuara duhet të sigurojë detaje të mjaftueshme për të lejuar një vlerësim të vlerave themelore të shoqërisë dhe ekspozimit ndaj rrezikut.

Raporti i Ecurisë së Veprimtarisë dhe i Drejtimit të Brendshëm është përgatitur gjithashtu në përputhje me nenet nr. 17 dhe nr. 19 të Ligjit për Kontabilitetin dhe Pasqyrat Financiare nr. 25/2018, datë 10.05.2018. Raporti është aprovuar nga Bordi i Drejtorëve të shoqërisë.




Rigela Gegprifti

Drejtoreshë e Përgjithshme



Elektriciteti ka ndryshuar njerëzimin.
Ai ndriçon shtëpitë tona, shkollat tona,
zyrat tona. Vë në punë makineritë
tona. Bën të mundur transportin dhe
komunikimin modern. Është një pjesë
e pandashme e mënyrës si jetojmë,
punojmë, dhe përparojmë si një
shoqëri.



VLERAT

DHP ka integruar vlerat e Statkraft-it:

- **Kompetent.** Përdor njohuritë dhe eksperiencën për të arritur qëllimet ambicioze dhe për t'u njohur si një aktor udhëheqës.
- **I përgjegjshëm.** Krijon vlera, duke treguar respekt dhe kujdes për punonjësit, klientët, mjedisin dhe shoqërinë.
- **Novator.** Mendimi kritik, identifikon mundësitë dhe zhvillon zgjidhje efektive.

Këto vlera thelbësore zbatohen nga të gjithë punonjësit dhe personat e tjerë që përfaqësojnë DHP.

COVID-19

Prioriteti kryesor gjatë pandemisë Covid-19 dhe në vijim ka qenë siguria dhe mirëqenia e punonjësve të DHP-së dhe kontraktorëve, dhe shoqëria ka ndërmarrë veprime për reduktimin e shpërndarjes së virusit në përputhje me udhëzimet e autoriteteve shëndetësore kombëtare. Furnizimi me energji ka qenë një tjetër prioritet kryesor, dhe të gjitha centralët e DHP-së kanë operuar në mënyrë të kënaqshme.

Efektet e pandemisë deri më tani kanë qenë të reduktuara në aspektet financiare të DHP-së dhe nuk pritet që pandemia të ketë ndikime thelbësore në operimet afatgjata të shoqërisë. DHP monitoron nga afër zhvillimet e pandemisë dhe vlerëson në vazhdimësi pasojat.

Në aspektet jo-financiare, ndikimi për DHP-në ka qenë vazhdimi i organizimit të punës në distancë dhe marrja e masave për të garantuar shëndetin dhe sigurinë e stafit që ka punuar në terren, apo në zyrë.

QËNDRUESHMËRIA

DHP është e angazhuar të:

- Ofrojë energji të pastër dhe të kontribuojë në një të ardhme me energji të gjelbër
- Ofrojë një ambient pune të karakterizuar nga barazia, diversiteti dhe respekti i ndërsjellë, ku çdokush ka mundësinë të kontribuojë në suksesin e biznesit dhe të përmbushë potencialin e tij.
- Krijimi i vlerës për shoqërinë, mjedisin dhe kompaninë.

Kodi i Sjelljes përcakton parimet themelore të DHP për sjellje të përgjegjshme. Furnitorët duhet të plotësojnë kërkesat e Kodit të Sjelljes së Furnitorëve.

Në punën e saj në lidhje me qëndrueshmërinë DHP gjithashtu udhëhiqet nga kuadri ndërkombëtar duke adresuar çështjet kundër korrupsionit, të mjedisit, të drejtat e njeriut dhe të punës. DHP duke qenë pjesë e grupit Statkraft beson se biznesi luan një rol të rëndësishëm në kontributin për plotësimin e Qëllimeve të Zhvillimit të Qëndrueshëm të Kombeve të Bashkuara (UN), dhe Statkraft është anëtare e Marrëveshjes Globale të Kombeve të Bashkuara (UN Global Compact).

DHP është ne dijeni te faktit se ekzistojnë dilema lidhur me qëndrueshmërinë. Shoqëria kërkon që të kuptojë dhe të administrojë këto dilema nëpërmjet një përjasje të bazuar në rrezik, duke vlerësuar me kujdes shqetësime të ndryshme dhe duke zbatuar veprimtari për reduktimin e rrezikut kur është e nevojshme.

Çështje kryesore në lidhje me qëndrueshmërinë në 2021 përfshijnë:

- Funksionimi i hidrocentralit të Banjës – kapacitet i instaluar i energjisë së rinovueshme 72 MW
- Funksionimi i hidrocentralit të Moglicës – kapacitet i instaluar i energjisë së rinovueshme 197 MW
- Ka vazhduar fokus i lartë në lidhje me Shëndetin, Sigurinë, Mbrojtjen dhe Mjedisin (SHSMM) përmes programit "Fuqizuar nga kujdesi" ("Powered by care").
- Ka vazhduar vëmendja në fushën e etikës së biznesit dhe anti-korrupsioni me diskutime çdo tremujor mbi dilemat, trajnime dhe mësimi virtual për të gjithë punonjësit.

STRATEGJIA

Zhvillimi dhe qasja e tregut

DHP, si pjesë e Grupit Statkraft integron strategjinë dhe praktikën në lidhje me përfaqësimin ndaj Tregut.

Pas një viti me rënie ekonomike globale të shkaktuar nga pandemia Covid-19, viti 2021 ka qenë një vit rekuperimi i vështirë si pasojë e ndërprerjeve në zinxhirin e furnizimit dhe rritje ekstreme të çmimeve në tregjet e mallrave dhe të energjisë. Në të gjithë Europën çmimet e energjisë kanë qenë të luhatshme dhe kanë arritur nivele rekord, për shkak të një kombinimi faktorësh që kanë shkaktuar disbalanca në tregun e energjisë.

Mes kësaj turbulente të ekonomisë globale, tranzicioni i energjisë vazhdon të përparojë, madje ka shfaqur shenja përshtetimi. Rritja në energjitë nga dielli dhe era vazhdon, hidrogjeni ka dalë si një teknologji që do të përplotësojë energjitë e rinovueshme në një ekonomi të së ardhmes me zero karbon, dhe shërbimet e energjisë po nxisin objektiva rritjeje më të larta.

Për ndjekjen e strategjisë së Grupit, Statkraft përdor një përfaqësim të përqendruar tek tregu. Shoqëria kërkon të gjejë zgjidhjet dhe produktet më të mira në secilin treg, bazuar në nevojat e tregut dhe kërkesat e konsumatorit teksa identifikon dhe menaxhon risqet dhe oportunitetet.

Statkraft fokusohet në rritjen e shkallës së operimit në vendet ku tashmë është e pranishme dhe do të ketë në pronësi, zhvillojë, blejë dhe operojë asete të rinovueshme. Statkraft gjithashtu do të shkëpusë asete në tregje ku kjo mund të shtojë vlerë. Për përforcimin e pozicionit në çdo treg, Statkraft do të zgjerojë aktivitetet e saj të tregut dhe ofrojë produkte dhe shërbime prodhuese të tjerë të energjisë dhe konsumatorëve të mëdhenj.

Tranzicioni i energjisë do të ndryshojë mënyrën se si energjia prodhohet dhe konsumohet. Nxjerrja jashtë përdorimi e qymyrit dhe rritja e kërkesës do ketë nevojë për prodhim më fleksibël. Përdoruesit fundorë do të kenë një rol më qendror teksa kanë filluar edhe vetë të prodhojnë dhe të ofrojnë fleksibilitet të kërkesës. Energjia e lirë dhe e pastër e bën elektrifikimin një zgjidhje gjithnjë e më efiçente për dekarbonizimin. Strategjia e Statkraft ndërton mbi këto trende dhe në avantazhin konkurrues të Shoqërisë në përpjekjen e saj të jetë Shoqëri lider në energjinë rinovueshme në vitin 2025.

Pozicioni konkurrues i Statkraft

Grupi Statkraft ka një themel të fortë për rritje të mëtejshme. Nga të qenit një furnizues i hidro-energjisë në industrinë Norvegjeze dhe konsumin e përgjithshëm, Statkraft është bërë prodhuesi më i madh i energjisë nga burimet e rinovueshme në Europë dhe ka një prezencë në rritje në tregje të tjera ndërkombëtare. Avantazhet konkurruese kyç të Statkraft dalin nga kuptimi i tregut nga kompania, kompetenca e saj industriale në zhvillimin dhe pronësinë e aseteve që prodhojnë energji dhe në aftësinë për të përdorur këto pika të forta në zinxhirin e vlerës.

Portofol fleksibël i madh dhe i veçantë

Kompetenca e fortë në optimizimin e përfitueshmërisë nëpërmjet administrimit të integruar të energjisë, operacioneve dhe proceseve të mirëmbajtjes, e bën DHP si pjesë e grupit Statkraft një zotëues të shkëlqyeshëm të energjisë fleksibël hidrike.

Qëndrueshmëria financiare

Statkraft ka një themel të fortë financiar dhe ka treguar aftësinë për të patur përfitueshmëri të qëndrueshme në tregje në ndryshim. DHP si pjesë e grupit Statkraft do të ketë një fokus të lartë në optimizimin e kostove teksa shoqëria vazhdon të rritet.

Prioritetet strategjike për DHP

Optimizimi dhe zgjerimi i energjisë hidrike

Ka një nevojë të shtuar për fleksibilitet në tregjet e energjisë dhe kjo ofron një pikënisje unike për një gjenerues fleksibël të energjisë hidrike me ekspertizë tregu. Statkraft do të optimizojë dhe do të zgjerojë portofolin e saj të fortë të burimeve të energjisë hidrike.

DHP është e angazhuar me grupet e interesit për të gjetur zgjidhje të cilat balancojnë nevojat mjedisore dhe shoqërore me përfitueshmërinë.

Zhvillimi i biznesit të ri

DHP është duke parë në mënyrë të vazhdueshme mundësitë e reja ku kapacitetet ekzistuese dhe portofoli mund të japin një avantazh konkurrues.

Ambicia e DHP për 2025

DHP synon të jetë një shoqëri e fortë e energjisë nga burime të rinovueshme, me operacione të qëndrueshme, etike dhe të sigurta. Qëllimi do të jetë të:

- Forcojë më tej pozicionin si një prodhues i besueshëm i energjisë me një ekselencë operative në hidrocentralet e Banjës dhe Moglicës, në përputhje me standardet lokale dhe ndërkombëtare.
- Vazhdojë të jetë një pjesëmarrës aktiv në aktivitetet e tregtisë, shitjen e elektricitetit në Evropën Juglindore dhe në tregje të tjera të rëndësishme, si dhe të vazhdojë me marrëveshje dypalëshe në Shqipëri dhe të kërkojë të sigurojë marrëveshje afatgjata dypalëshe në tregje të tjera të rëndësishme.
- Zhvillimi i mëtejshëm i potencialit të energjisë hidrike të kaskadës së Devollit.
- Përdorimi i pozicionin tonë të fortë për të rritur operacionet në një shkallë më të gjerë dhe kontributi në diversifikimin e energjisë në Shqipëri duke eksploruar mundësitë e investimit në burime të tjera të energjisë nga burime të rinovueshme.
- Të gjitha këto të bëra në përputhje të plotë me mjedisin dhe integritetin.

Investimet

DHP është e fokusuar në iniciativat e krijimit të vlerave në Shqipëri, në përputhje me strategjinë e grupit Statkraft. Ecuria dhe vlera totale e investimeve në periudhën strategjike do të varet nga mundësitë dhe zhvillimi i tregut dhe do të përshtatet me kapacitetet financiare dhe vlerësimin e qëllimeve të Statkraft.

OBJEKTIVAT E ECURISË

Bordi i Drejtorëve ka caktuar objektiva financiare dhe jo-financiare për DHP. Qëllimet kryesore janë listuar në tabelën e mëposhtme. Ecuria e lidhur me disa nga synimet do të vlerësohet në një hark kohor më të gjatë.

Kujdesi për njerëzit është në bazë të veprimtarisë së DHP dhe DHP punon vazhdimisht drejt synimit prej zero lëndime. Nuk ka pasur aksidente fatale në 2021, as incidente me humbje kohe (loss time incident).

DHP ka tolerancë zero për korrupsionin dhe praktikat jo-etike në të gjitha veprimtaritë, dhe nuk ka pasur incidente serioze të pajtueshmërisë në 2021.

Vlerësimi i rreziqeve mjedisore është pjesë e procedurave dhe praktikave të përditshme të administrimit të rrezikut të DHP dhe nuk ka pasur incidente serioze mjedisore në 2021.

QËLLIMI	SYNIMI	STATUSI 2021
Shëndeti, Siguria, Mjedisi dhe qëndrueshmëria		
Shmangia e incidenteve dhe të qenit të angazhuar në vendin e punës pa lëndime dhe dëme	Zero lëndime serioze	0
Shmangia e korrupsionit dhe praktikave jo-etike në të gjitha veprimtaritë	Zero incidente serioze pajtueshmërie	0
Ofrimi i burimeve të rinovueshme të energjisë miqësore me klimën dhe marrja e masave të përgjegjshme mjedisore	Zero incidente serioze mjedisore	0

ECURIA FINANCIARE

Në vitin 2021, të ardhurat bruto të DHP u rritën me 83% për shkak të prodhimit gjatë gjithë vitit të HEC-eve Banja dhe Moglicë dhe luhatjes së çmimit të energjisë.

Prodhimi total ishte 682 992 MWh.

Në fund të vitit 2021, kapitali i Shoqërisë ishte 66 005 171 mijë Lekë, që i korrespondon 89% të aktiveve totale.



Zërat e paraqitur më poshtë janë matës alternative të ecurisë, shiko kapitullin "Matje Alternative të Ecurisë" për qëllimin, përkufizimin dhe përcaktimin e të gjithë zërave. Elementët nga pasqyra e të ardhurave gjithëpërfshirëse pas fitimit operativ janë analizuar në përputhje me pasqyrat financiare.

Të ardhurat neto nga shfrytëzimi

Të ardhurat e DHP gjenerohen nga shitjet spot dhe aktivitetet e tregut. Baza themelore për të ardhurat e DHP përbëhet nga çmimet e energjisë, optimizimi i energjisë dhe prodhimi. Të ardhurat nga prodhimi optimizohen përmes tregtisë financiare të energjisë dhe DHP angazhohet në aktivitete tregtimi të lidhura me energjinë. Të ardhurat neto nga shfrytëzimi janë një kombinim ndërmjet shitjeve të brendshme dhe eksportit.

Shpenzimet operative

Në total, shpenzimet operative të Shoqërisë janë rritur me 17% krahasuar me një vit më parë.



Zërat financiarë

Zërat financiarë përbëhen kryesisht nga humbjet neto prej kurseve të këmbimit. Efekti negativ është kryesisht i lidhur me të pagueshmet në valutë të huaj dhe si rezultat i një dobësimi të Lekut ndaj Euros.

Shpenzimi i tatim fitimit

Gjatë vitit 2021, DHP ka operuar asetet e saj gjatë gjithë vitit, me HEC Moglicë që filloi operimet tregtare nga viti 2020, ndërsa hidrocentrali i Banjës ka filluar operimet tregtare në 2016.

DHP ka regjistruar fitim neto për vitin 2021 prej 121 063 mijë Lekë dhe ka paguar Tatim mbi Fitimin në masën 104 659 mijë Lekë.


Flukset monetare

Flukset monetare nga aktivitetet e shfrytëzimit ishin 2 936 606 mijë Lekë. Rritja erdhi kryesisht si rezultat i humbjes më të madhe dhe amortizimit për vitin, kompensuar nga rritje neto në të arkëtueshme dhe të pagueshme të Shoqërisë.

Flukset monetare nga aktivitetet investuese prej (91 592) mijë Lekë erdhën kryesisht si rezultat i investimeve në pasuri, makineri dhe pajisje dhe ulje të parapagesave.

Flukset monetare nga aktivitetet e financimit ishin zero dhe nuk ka pasur kredi apo kontribute të aksionerëve.

Në fund të vitit, mjetet monetare dhe ekuivalentet me to ishin në shumën e 3 826 714 mijë Lekë.



Fuqja financiare dhe vlerësimi i Grupit

Për Statkraft është e rëndësishme që të ruajë vlerësimin e saj të kreditit me dy agjencitë e vlerësimit Standard & Poor's dhe Fitch Ratings. Statkraft AS ka një vlerësim aktual të kreditit me notën A- (perspektivë e qëndrueshme) nga Standard & Poor's dhe BBB+ (perspektivë e qëndrueshme) nga Fitch Ratings.

Ngjarje të rëndësishme në 2021

- Viti i parë i plotë me operime nga të dy HEC-et, Banja dhe Moglicë.
- Vazhdoi zbatimimi i Impiantit Fotovoltaik Lundrues të Banjës nga Statkraft Renewables Albania Shpk në rezervuarin e HEC Banjë.

VIJIMËSIA

Në përputhje me Standardet Ndërkombëtare të Raportimit Financiar (SNRF), Bordi i Drejtorëve konfirmon që pasqyrat financiare vjetore janë përgatitur me supozimin që shoqëria do ketë vijimësi, dhe se ky supozim është i saktë.

KËRKIMI DHE ZHVILLIMI

Aktivitetet e Kërkim – Zhvillimit do të mundësojnë njohuri dhe zgjidhje për operacionet vijuese.

Sa i përket energjisë së burimeve ujore, aktivitetet e Kërkim – Zhvillimit do të mbështesin operacionet dhe mirëmbajtje të optimizuara dhe fleksibilitet të shtuar. Kërkim – Zhvillimi do të luajë një rol jetësor në të kuptuarit e pamjes së energjisë së të ardhmes, duke përfshirë se si efektet klimatike do të ndikojnë në operacionet dhe tregjet në të gjitha teknologjitë. Në këtë pamje, kërkimi i shkencës shoqërore po bëhet më i rëndësishëm. Kështu, ne kërkojmë njohuri të reja mbi sjelljet e konsumatorit dhe shoqërisë për të përmirësuar të kuptuarit tonë mbi sfidat në ndërlidhjen midis shoqërisë dhe grupit Statkraft.

Në këtë kuadër një projekt inovativ i Kërkim – Zhvillimit po realizohet në Shqipëri nga Statkraft Renewables Albania Shpk. Impianti Fotovoltaik Lundruës i Banjës konsiston në katër njësi lundruese me panele fotovoltaike të instaluar mbi një membranë lundruese, me kapacitet total të instaluar prej 2 MWp.

ADMINISTRIMI I RREZIKUT

DHP është e ekspozuar ndaj rreziqeve përgjatë zinxhirit të vlerës. Rreziqet më të rëndësishme janë të lidhura me çmimet e tregut, rrezikun financiar, Shëndetin, Sigurinë, Mbrojtjen dhe Mjedisin (SHSMM), aktivitetet e shfrytëzimit.

Administrimi i rrezikut është pjesë e integruar e modelit të drejtimit të DHP. Shoqëria ka një përfaqje të bazuar në rrezik në përcaktimin e synimeve, prioritetëve dhe ndjekjen në fushën e biznesit dhe stafit. Administrimi i përditshëm i rrezikut është një përgjegjësi e vijueshme. Rreziqet e përgjithshme të Shoqërisë rishikohen dhe ndiqen nga Drejtimi i Shoqërisë dhe raportohen në Bordin e Drejtorëve. DHP bën një vlerësim të hollësishëm të cilësisë përpara investimeve, shitjeve dhe blerjeve.

Bordi i drejtorëve të shoqërisë ka përgjegjësinë e përgjithshme për hartimin dhe mbikëqyrjen e kuadrit të administrimit të rrezikut të Shoqërisë.

Politikat e administrimit të rrezikut të Shoqërisë janë hartuar për të identifikuar dhe analizuar rreziqet e hasura nga Shoqëria, për të vendosur kontrollet dhe limitet e duhura të rrezikut dhe për të monitoruar rrezikun dhe respektimin e limiteve. Politikat dhe sistemet e administrimit të rrezikut rishikohen rregullisht për të reflektuar ndryshimet në kushtet e tregut dhe aktivitetet e Shoqërisë. Shoqëria, nëpërmjet standardeve dhe procedurave të saj të trajnimit dhe drejtimit synon të mbajë një mjedis të disiplinuar dhe konstruktiv të kontrollit në të cilin të gjithë punonjësit janë në dijeni për rolet dhe detyrimet e tyre.

Rreziku i aktivitetit

Të gjitha proceset përgjatë zinxhirit të vlerës janë të ekspozuara ndaj rrezikut të aktivitetit. Rreziku i aktivitetit është më i lartë në zbatimin e projekteve tona të investimit, aktiviteve të shfrytëzimit dhe të mirëmbajtjes si dhe aktiviteve të tregut. Kjo mund të sjellë:

- Dëmtime tek punonjësit, kontraktorët dhe palët e treta
- Ndikime mjedisore dhe sociale
- Shkelje të pajtueshmërisë
- Dëmtim dhe humbje të centraleve tona të prodhimit dhe të palëve të treta dhe të aktiveve të tjera
- Reputacion i dobësuar
- Humbje financiare

Angazhimi i DHP-së rreth sigurisë, qëndrueshmërisë, dhe praktikave të përgjegjshme të biznesit përbën themelin e çdo aktiviteti. DHP ka një vëmendje të lartë në kryerjen e aktiviteve të zhvillimit dhe operimit në mënyrë të përgjegjshme dhe të parandalojë humbje financiare. Një kulturë e fortë biznesi është themeli i përmirësimit të vazhdueshëm të një sistemi rezistent të parandalimit dhe kontrollit. Prioritet i lartë i kushtohet garantimit të aktiviteve të zhvillimit në përputhje me standardet ndërkombëtare.

Rreziku i aktivitetit administrohet përmes procedurave dhe kontrolleve të aktiviteve dhe proceseve, duke projektuar zgjidhje teknike, zhvilluar kompetencat dhe në llojet e ndryshme të planeve rezervë. Për më tepër, DHP ka një sistem gjithëpërfshirës për regjistrimin dhe raportimin e rrezikut, kushtet e rrezikshme, incidentet e padëshirueshme, dëmtimet dhe lëndimet. Të tilla raste analizohen vazhdimisht në mënyrë që të parandalohet dhe të kufizohet çdo pasojë negative, dhe të sigurohet që mund të ndjekim shkaqet dhe të marrim masat e nevojshme.

Infrastruktura e DHP dhe aplikacionet janë të ekspozuara ndaj krimit kibernetik dhe kërcënimeve të tjera të jashtme dhe procedurat, kompetencat dhe sistemet e Shoqërisë përmirësohen në mënyrë të vazhdueshme për të forcuar qëndrueshmërinë përballë incidenteve të tilla.

DHP kryen vazhdimisht vlerësime të rrezikut. Zbatimi i administrimit të rrezikut në fazat e hershme të zhvillimit të biznesit dhe projektit është një faktor i rëndësishëm i suksesit.

Pasojat e mundshme financiare të rrezikut total të aktivitetit, si dhe rreziqe të rëndësishme individuale, janë tregues kryesorë të profilit të rrezikut të përgjithshëm të Shoqërisë. DHP ka mbulim nga sigurimi për të gjitha rastet e rëndësishme të dëmtimeve ose lëndimeve nga aktiviteti.

Rreziku i tregut të energjisë

Statkraft është e ekspozuar ndaj një rreziku domethënës në aktivitetet e saj të prodhimit dhe tregtimit të energjisë:

- Si vëllimet e prodhimit ashtu edhe çmimet e energjisë ndikohen nga kushtet e motit, konsumi dhe kushtet e transmetimit në tregjet e energjisë.
- Çmimet e energjisë ndikohen edhe nga çmimet e karburanteve si gazi, qymyri dhe nafta, përtej çmimit për emetimet e kuotave të karbonit, skemave mbështetëse, rritjes së kërkesës dhe futja e zhvillimi i teknologjive të reja.

Pasiguria dhe perspektiva në tregjet e energjisë dhe çmimin e saj monitorohet dhe analizohet në vazhdimësi për të garantuar menaxhim optimal të energjisë, operimeve tregtare dhe investimeve fitimprurëse.

Statkraft e menaxhon riskun e tregut në tregjet e energjisë duke ndërmarrë pozicione në tregjet e energjisë dhe produkteve që lidhen me të, qoftë financiarisht, apo nëpërmjet kontratave dypalëshe. Integrimi i shtuar i tregjeve të energjisë po shkakton një ndikim domethënës në modelet e biznesit dhe menaxhimin e riskut. Si pasojë, Statkraft i kushton një rëndësi të veçantë identifikimit të lidhjeve ndërmjet tregjeve të ndryshme. Strategjitë mbrojtëse të Grupit rregullohen nga kufizime të përcaktuara rreth vlerave dhe volumeve të pozicioneve dhe nga kritere për vlerësimin e kontratave të reja kundrejt të ardhurave të pritshme dhe riskut respektiv. Portofoli përshtatet në vazhdimësi lidhur me pritshmëritë e përditësuara të çmimeve të ardhme dhe kapacitetit prodhues të vetë Shoqërisë.

Rreziku financiar

Rreziku financiar i lidhur me valutat e huaja, normat e interesit, likuiditetin dhe financimin koordinohet dhe administrohet në nivel grupi.

Rreziku i kreditimit

Rreziku i kreditimit është rreziku i një humbje financiare nga Shoqëria në rast se një klient apo një palë në një instrument financiar nuk përmbush detyrimet kontraktuale dhe krijohet kryesisht nga llogaritë e arkëtueshme të Shoqërisë.

Llogaritë e arkëtueshme

Ekspozimi i Shoqërisë ndaj rrezikut të kreditimit është influencuar kryesisht nga karakteristikat individuale të secilit klient. Megjithatë, drejtimi merr gjithashtu në konsideratë edhe faktorët që mund të influencojnë rrezikun kreditor të tyre si konsumatorë, duke përfshirë rrezikun e falimentimit të shoqëruar me rrezikun e industrisë dhe vendit në të cilin klientët kryejnë aktivitetet.

Kufizimet për kontratat e energjisë, janë përcaktuar individualisht për palën tjetër duke përdorur një vlerësim të brendshëm të kreditit. Palët janë ndarë sipas kategorive të ndryshme. Vlerësimi i brendshëm i kreditit është bazuar në të dhënat financiare të rëndësishme (modeli i vlerësimit i kryer nga Shoqëria/opinionit i ekspertit), vlerësimet e jashtme dhe probabilitetet e mos-arkëtimit të blera nga ofrues të jashtëm.

Kontratat dypalëshe janë subjekt i kufizimeve për çdo palë tjetër për sa i përket vëllimit, sasisë dhe kohëzgjatjes. Rreziku për palën tjetër nga këto kontrata konsiderohet të jetë shumë i ulët.

Kufijtë e ekspozimit individual të çdo pale tjetër monitorohen vazhdimisht dhe i raportohen rregullisht drejtimit. Shoqëria kufizon ekspozimin e saj ndaj rrezikut të kreditit nga llogaritë e arkëtueshme tregtare, duke vendosur një periudhë maksimale të pagesës nga një deri në tre muaj respektivisht për palët e lidhura dhe klientët e palëve të tjera. Kufijtë e kreditit mund të ulen duke pranuar mbështetjen e kreditit në formën e një Garancie nga Shoqëria Mëmë dhe/ose Garanci Bankare.

Shoqëria kufizon ekspozimin e saj ndaj rrezikut të kreditimit nga llogaritë e arkëtueshme duke vendosur një afat maksimal për kryerjen e pagesave, që është gjashtë muaj për klientët e zakonshëm dhe një muaj për korporatat.

Pothuajse të gjithë klientët e Shoqërisë kryejnë transaksione me Shoqërinë prej gjashtë vitesh, që nga fillimi i aktivitetit të saj dhe asnjë balancë e këtyre klientëve nuk është çregjistruar ose zhvlerësuar në datën e raportimit. Në monitorimin e rrezikut të kreditimit për klientët, ato janë grupuar sipas karakteristikave të detyrimeve të tyre, ku përfshihet nëse janë palë të lidhura, klientë të tjerë, rajonet e tyre gjeografike, historiku i tregtisë me Shoqërinë dhe ekzistenca e vështirësive të mëparshme financiare.


Rreziku rregullator dhe i vendndodhjes

Aktivitetet e DHP në Shqipëri janë të ndikuara nga kushtet kufizuese të tilla si tarifatat, kushtet për koncesionin, rregulloret dhe kërkesat për rrjetet e energjisë dhe përcaktimet e vendosura nga Ministria e Infrastrukturës dhe Energjisë (MIE). Rreziku i ndryshimeve legjislative mund të sjellë gjoha, kufizime dhe/ose humbje të mundësive duke ndikuar në zbatimin e projektit dhe prodhimin e DHP-së, kostot dhe të ardhurat. DHP bën përpjekje të qenësishme në analizimin se cilat mund të jenë efektet e mundshme në fushën në të cilën operon dhe vazhdimisht ndërmerr veprime për zvogëlimin e rrezikut.

DHP është gjithashtu e ekspozuar drejtpërdrejt ndaj kushteve të kuadrut legjislativ të tilla si shkallët e taksimit, kushtet e licencave dhe rregullave publike. Rreziku i ndryshimeve të mundshme në kuadrin politik mund të sjellë një mjedis më sfidues biznesi çka do të përkthejë në mos përbushjen e afateve të shoqëruar edhe me humbje financiare. Si pasojë DHP thekson rëndësinë e ndjekjes së zhvillimeve të këtyre faktorëve dhe po merr masa në koordinim me drejtimin e palëve të interesuara.

Një proces i zakonshëm i vlerësimit të rrezikut është zbatuar për të siguruar një administrim gjithëpërfshirës dhe proaktiv të rrezikut të biznesit. Vlerësimi i rrezikut mbulon aspekte politike dhe ligjore, zhvillimin shoqëror, sigurinë, pajtueshmërinë, regjimin tatimor dhe legjisllacionin për biznesin. DHP ndjek në mënyrë të rreptë standardet e Statkraft dhe ka implementuar një sistem për të siguruar pajtueshmërinë në të gjitha veprimtaritë dhe ka zero tolerancë ndaj korrupsionit. DHP është një tregtues aktiv i energjisë në rajon, duke qenë kështu e ekspozuar në mënyrë direkte ndaj ndryshimeve në kuadrin rajonal të tregtisë së energjisë, veçanërisht ndaj ndryshimeve në tarifatat mbi import / eksportin e energjisë.

DHP monitoron në mënyrë të vazhdueshme zhvillimin e tregut të energjisë në rajon në mënyrë që të përshtatet me zhvillimet përkatëse, në përputhje me kërkesat dhe praktikatat e Statkraft. Shoqëria kryen vlerësime të rrezikut në mënyrë të rregullt për zhvillimet rajonale.



DHP është e angazhuar
në praktika të
përgjegjshme biznesi
dhe në luftën kundër
ndryshimeve klimatike.



Qëndrueshmëria

2021

Qëndrueshmëria

ADMINISTRIMI I QËNDRUESHMËRISË

Statkraft synon të jetë Shoqëri lider në energjinë e rinovueshme në vitin 2025. Për ta arritur këtë është zhvilluar një strategji e qartë biznesi. Një nga elementët që e mundësojnë strategjinë është mënyra me të cilën Statkraft operon si Shoqëri. Kjo reflektohet në angazhimin e Shoqërisë ndaj qëndrueshmërisë dhe praktikave të përgjegjshme të biznesit. Nëpërmjet aktiviteteve të saj, Statkraft synon të krijojë vlerë për shoqërinë, mjedisin dhe kompaninë.

DHP si pjesë e grupit Statkraft është e angazhuar në luftën kundër ndryshimeve klimatike nëpërmjet bërthamës së biznesit të saj, ofrimi i energjisë së rinovueshme nga uji dhe eksplorimi i zgjidhjeve të reja në energji. Strategjia e biznesit të DHP është e bazuar në zhvillimin e veprimtarisë në mënyrë të sigurt, etike dhe të përgjegjshme.

Po aq rëndësi ka edhe mënyra se si ne bëjmë biznes, duke i kuptuar ndikimet tona – pozitive dhe negative – tek njerëzit, mjedisi dhe shoqëritë ku operojmë. Kjo reflektohet në një kulturë të fortë të shëndetit dhe sigurisë, fokus kundrejt diversitetit dhe përfshirjes, standarde të larta etike dhe tolerancë zero për korrupsionin. Statkraft gjithashtu punon vazhdimisht për të kuptuar dhe adresuar risqet dhe ndikimet për mjedisin dhe të drejtat e njeriut.

Bërthama dhe strategjia e Statkraft përfaqësojnë një kontribut domethënës pozitiv në zbutjen e ndryshimeve klimatike, gjë që kompania synon ta maksimizojë me anë të objektivave të rritjes deri në vitin 2025.

Në përgjithësi veprimtaritë tona të biznesit kanë një ndikim pozitiv, por mundet në disa raste të kenë ndikim negativ tek njerëzit, komunitetet dhe natyra. Energjia e rinovueshme është kritike për të reduktuar emetimet e CO2. Në të njëjtën kohë, veprimtaritë tona mund të ndikojnë p.sh. në bio-diversitetin, përdorimin e tokës dhe interesat të lidhura me aktivitetet në natyrë. Ne përpiqemi të kuptojmë dhe të menaxhojmë dilema të tilla duke ruajtur një përqsasje të bazuar në rrezik, duke vlerësuar me kujdes shqetësime të ndryshme dhe duke zbatuar aktivitete për zvogëlimin e rrezikut.

Statkraft ka një histori të gjatë me fokus ndaj qëndrueshmërisë. Në kombinim me ligjet e reja dhe pritshmëritë në evoluim të grupeve të interesit, ne përdorim eksperiencën tonë teksa vazhdojmë për ta zhvilluar strategjinë qëndrueshmërisë me vëmendje të veçantë në fushat e ndryshimeve klimatike, të drejtave të njeriut dhe biodiversitetit. Gjithashtu, kemi ekspluar edhe se çfarë domethënie ka ekonomia qarkulluese për Statkraft dhe rëndësinë e saj në teknologjitë tona.

Drejtimi

Parimet themelore të DHP-së për sjellje të përgjegjshme janë përshkruar në Kodin e Sjelljes të grupit Statkraft i cili është miratuar nga Bordi i Drejtuesve. Kodi zbatohet për të gjitha shoqëritë e grupit Statkraft dhe të gjithë individët të cilët punojnë për këto shoqëri. Partnerët tanë të biznesit priten t'i përmbahen standardeve në përputhje me Kodin e Sjelljes së Furnitorëve të Statkraft.

Sistemi i drejtimit të DHP-së cakton ambiciet, udhëzimet dhe kërkesa të tjera të detajuara. Sistemi rishikohet rregullisht për ta përshtatur me pritshmëritë e reja dhe sfidat. Kërkesat e qëndrueshmërisë dhe rregulloret janë të përfshira në projektet e ndërtimit.

Gjithashtu kemi një sistem për regjistrimin dhe ndjekjen e mos-pajtuësishmeve me kërkesat e brendshme dhe të jashtme. Sistemi lehtëson administrimin e çështjeve, analizën e incidenteve, identifikimin e përmirësimeve, dhe mësimin e vazhdueshëm në Shoqëri.

Dialogu me palët e interesuara

DHP synon të ketë një dialog të hapur mbi çështjet e qëndrueshmërisë me palët e interesuara të ndikuara nga veprimtaria jonë. Palë të interesuara të rëndësishme në këto biseda përfshijnë zyrtarët shtetërorë, autoritetet lokale dhe rajonale, komunitetet lokale, punonjësit, klientët, furnitorët, institucionet kërkimore, organizatat jo-qeveritare, organizatat vullnetare dhe median.

Dialogu me palët e interesuara është pjesë e veprimtarive ditore, duke filluar nga ndërveprimi i zakonshëm me palët e interesuara në vendndodhjet e projekteve tona, në anëtarësim në forumet dhe platformat e qëndrueshmërisë aleancat dhe partneritetet si:

- Kryerja e konsultimeve me grupet e interesit e prekur direkt ose indirekt nga aktivitetet tona
- Organizim i takimeve konsultuese të hapura dhe publike
- Pasja e një mekanizmi eficient dhe transparent të trajtimit të ankesave për projektet në ndërtim dhe operim
- Promovimi i përmirësimeve të qëndrueshme nëpërmjet pjesëmarrjes në shoqatat dhe iniciativat e industrisë

Shembuj të dialogut me grupet e interesit rreth çështjeve materiale paraqitet në seksionet përkatëse të raportit.

Administrimi i përgjegjshëm i zinxhirit të furnizimit

Statkraft ka një angazhim të fortë ndaj praktikave të biznesit të përgjegjshëm dhe ky angazhim shtrihet edhe në zinxhirin e furnizimit. Kodi ynë i Sjelljes së Furnitorit është pjesë e të gjitha kontratave. Ai bazohet në standarde të njohura ndërkombëtarisht, që përfshijnë kërkesa për respektimin e të drejtave të njeriut, shëndetit dhe sigurisë, të drejtat e punës, kushtet e punës, mjedisit, privatësisë dhe lirisë së shprehjes dhe praktikave të ndaluara të biznesit. Furnitorët priten që të plotësojnë këto kërkesa përgjatë marrëdhënies me DHP-në. Furnitorët informohen për Kodin e Sjelljes së Furnitorit përgjatë procesit të prokurimit, dhe kjo është pjesë e të gjitha kontratave.

DHP ka një shumëllojshmëri furnitorësh duke filluar nga shoqëri të mëdha ndërkombëtare tek furnitorë më të vegjël lokalë në kategori të ndryshme industrish. Në mënyrë që të administrojë rreziqet më të rëndësishëm në zinxhirin e furnizimit, DHP ka adoptuar një përqsje të bazuar në rrezik për kualifikimin paraprak dhe kontraktimin e furnitorëve. Janë caktuar pragje globale dhe lokale në mënyrë që të përqendrohen përpjekjet aty ku rreziqet në zinxhirin e furnizimit janë më të larta. Objektivi kryesor është të sigurojë që të bëhen furnitorë shoqëritë të cilat plotësojnë standardet e DHP-së.

Raportimi i shqetësimeve

DHP ka praktika dhe procedura që lidhen me sinjalizimin. Sinjalizimi mund të bëhet me shkrim ose verbalisht, përmes çdo mënyre komunikimi. Këto procedura janë në përputhje me The Statkraft Way dhe Ligjin nr. 60/2016 "Për Sinjalizimin dhe Mbrojtjen e Sinjalizuesve".

Raportimet mund të bëhen përmes kanaleve të ndryshme të tilla si postë elektronike, telefon, ose përmes një kanali të dedikuar sinjalizimi i cili ka të instaluar një funksion që mbron anonimatën e raportuesit. Kanali i sinjalizimit është gjithashtu në dispozicion për përdoruesit e jashtëm përmes faqes së internetit të Statkraft (www.statkraft.com / www.statkraft.al).

Shqetësimet e raportuara vlerësohen bazuar në vlerësimin e natyrës dhe ashpërsisë së rastit dhe ndiqen sipas procedurave të vendosura. Disa shqetësime të raportuara janë mbyllur pas një vlerësimi fillestar nga Kontrolli i Shoqërisë, ndërsa disa janë ndjekur më tutje nga drejtimi i sektorit dhe/ose Kontrolli i Shoqërisë. Në disa raste, është vlerësuar e nevojshme të kryhet një hetim i brendshëm për të qartësuar faktet dhe për të ndërmarrë veprime të mundshme. Kontrolli i Shoqërisë është përgjegjës për të kryer këto hetime në mënyrë efikase, objektivisht dhe në përputhje me procedurat e brendshme.

Të gjitha shqetësimet e raportuara merren në konsideratë me seriozitet, dhe trajtimi i tyre bazohet në parimet e trajtimit të drejtë dhe objektiv, mbrojtjen e raportuesit, mbrojtjen e personave që janë subjekt i raportimit, konfidencialitetit në procesin administrativ, mbrojtja e të dhënave personale dhe siguria e të dhënave dhe

proporcionaliteti në procesin administrativ.

DHP ka në funksion Zyrën e Informacionit Publik për të mundësuar informacion lidhur me veprimtaritë e saj si dhe ka në funksion një Mekanizëm të Shqyrtimit të Ankesave për të zgjidhur ankesat nga komunitetet / individët lokalë.

Kontributi i DHP

Pjesa më e madhe e emetimeve të gazrave në botë janë të lidhura me energjinë. Kështu rritja e prodhimit të energjisë nga burime të rinovueshme është kritike në mënyrë që të arrihen synimet e emetimeve globale. Për më tepër, elektrifikimi i bazuar në energjinë e rinovueshme është një element kryesor për të luftuar ndryshimet klimaterike. DHP është pjesë e zgjidhjes për një botë me energji të pastër. DHP është e angazhuar në rritjen vetëm me anë të teknologjive me energji të rinovueshme.

Aktivitetet e DHP kontribuojnë në mënyra të ndryshme në ekonomitë globale, kombëtare dhe lokale përmes ndarjes së dividendëve për aksionerët, taksat e paguara ndaj qeverive, punësimit direkt, aktiviteteve tona globale dhe lokale të prokurimit, Kërkim & Zhvillimit dhe investimeve sociale. Përqsja jonë për sjelljen e përgjegjshme të biznesit kontribuon në promovimin e praktikave të mira të biznesit. Ne gjithashtu kërkojmë të ndajmë njohuritë rreth energjisë së rinovueshme, sistemeve të energjisë, ndryshimeve klimaterike dhe çështjeve mjedisore.

Gjenerimi i energjisë prej DHP realizohet nga burime të rinovueshme (ujore). Energjia e ujit ka shume avantazhe, duke përfshirë eficientësinë e lartë, kostot e ulëta të shfrytëzimit, jetëgjatësinë, fleksibilitetin e lartë dhe intensitetin e ulët të karbonit. Rezervuarët e mëdhenj të ujit mundësojnë mbajtjen dhe prodhimin e energjisë edhe në periudhat e prurjeve të reduktuara ose të ulëta. Kjo jep fleksibilitet në prodhimin e energjisë.

Zhvillimi dhe shfrytëzimi i hidrocentraleve lehtëson përdorimet e shumta të rrjedhave ujore dhe infrastrukturës për shembull ujitjen, furnizimin me ujë të pijshëm, transportin dhe zbavitjen. Për më tepër, përdorimi i rezervuarëve për kontrollin e përmbajtjeve bëhet akoma më i rëndësishëm teksa klima ndryshon.

Shoqëria gjithashtu kontribuon për përdorim më optimal të burimeve të energjisë përmes kontrollit të aseteve të rinovueshme.

INFORMACION SHPJEGUES SOCIAL

Shëndeti dhe Siguria

QËLLIMI	SYNIMI	STATUSI
Të evitohet incidentet dhe të jete e angazhuar në një mjedis pa lëndime apo dëmtime	Zero lëndime serioze	0 ●
Komente mbi ecurinë <ul style="list-style-type: none"> Nuk ka pasur aksidente fatale në 2021 dhe DHP ka arritur synimin prej zero lëndime serioze. Programi "Fuqizuar nga kujdesi" ("Powered by Care") dhe përpjekjet për të përmirësuar në mënyrë të vazhdueshme shëndetin dhe ecurinë e sigurisë dhe kulturën do të vazhdojnë të kenë një vëmendje për të përparuar. Elementë kryesorë përfshijnë SHSMM, drejtimin, Rregulla për Ruajtjen e Jetës për veprimtaritë me rrezikshmëri të lartë, një kuadër të përmirësuar për Administrimin e SHSMM, kërkesa të përmirësuar SHSMM për prokurimin, futja dhe zbatimimi i Autoritetit për të ndaluar punën e pasigurt nga CEO, SHSMM e rritur në projekte, dhe kërkesa të qarta dhe efektive për SHSMM. 		
Iniciativat kryesore <ul style="list-style-type: none"> Të sigurojë udhëheqje dhe të drejtojë ndryshimin kulturor në të gjitha nivelet. Të inkurajojë dhe të masë administrimin dhe angazhimin e punonjësve. Të forcojë fokusin në veprimtaritë me rrezikshmëri të lartë dhe në masat parandaluese. Të sigurojë trajnime për të fituar kompetencat e kërkuara. Të sigurojë të mësuarit dhe ndarjen e eksperiencave nga incidente me potencial të lartë rreziku. 		

Përqasja jonë

Kujdesi për njerëzit është baza e kulturës së DHP dhe ne punojmë vazhdimisht drejt qëllimit tonë prej zero lëndime. DHP ka një program për të zbatuar përmirësimet në shëndetin dhe sigurinë e të gjithë organizatës, i quajtur "Fuqizuar nga Kujdesi" ("Powered by Care"). Drejtimi i korporatës së DHP demonstroi qartë angazhimin e tyre për një mjedis pune pa lëndime dhe dëmtime siç komunikohet në deklaratën e tyre të angazhimit në programin "Fuqizuar nga Kujdesi" ("Powered by Care").

Rreziqet kryesore

Rreziqet e lidhura me shëndetin dhe sigurinë vijnë nga veprimtaritë e DHP në projekte ndërtimi, shfrytëzim dhe mirëmbajtje e centraleve dhe pajisjeve të tjera, nga prania jonë në vende gjeografike të ndryshme, nga udhëtimet dhe veprimtaritë e tjera të biznesit. Fushat mbizotëruese me rrezik të lartë janë të lidhura me lëndimet e personelit nga aksidentet në mjedisin e punës. Veprimtaritë e lidhura me udhëtimin me makinë, punën në lartësi, operacionet e ngritjes, sistemet e energjisë, pajisjet e rënda të lëvizshme, punët në tokë dhe të punuarit në hapësira të mbyllura konsiderohen të kenë rrezikshmërinë më të lartë.

Statusi 2021

Nuk ka pasur aksidente fatale në vitin 2021.

Në vitin 2021, treguesi "Lëndime me humbje kohe (treguesi LTI)" ishte 0 për punonjësit e DHP dhe për kontraktorët e DHP-së.

Treguesi Total i Lëndimeve të Regjistruara (treguesi TRI) për punonjësit e DHP dhe për kontraktorët e DHP ishte 0.

Leje për arsye shëndetësore

Lejet për arsye shëndetësore në DHP janë në një nivel të ulët të qëndrueshëm në vitin 2021, nën synimin prej 3.5%.

Programi i përmirësimit të Shëndetit dhe Sigurisë

Në vitin 2021 programi "Fuqizuar nga Kujdesi" ("Powered by Care") u përqendrua në:

Drejtimi dhe angazhimi

Gjatë vitit 2021, drejtimi në të gjithë DHP ishte i angazhuar në mënyrë aktive dhe ka marrë pjesë në aktivitete lokale në programin "Fuqizuar nga Kujdesi" ("Powered by Care"). Për të adresuar administrimin dhe kulturën mbi shëndetin dhe sigurinë u mbajtën seminare. Kuadri ynë për administrimin e SHSMM përcakton pritshmëritë e lidhura me fushat e mëposhtme:

- Udhëheqja
- Rolet dhe përgjegjësitë
- Administrimi i rrezikut
- Integrimi në procese
- Administrimi i kontraktorëve
- Përmirësimi i vazhdueshëm

Trajnime

Trajnime dhe module e-learning janë të disponueshme për arritjen e grupeve specifike në ofrimin e trajnimit sipas nevojave të grupeve të ndryshme. Kjo përfshin një modul lidhur me "Powered by Care" që ofron trajnim bazë për të gjitha modulet e Rregullave të Shpëtimit të Jetës.

Ulja e lëndimeve serioze

Incidente serioze (ato të cilat kanë pasojë serioze ose kanë një potencial të lartë për lëndime serioze) analizohen për të identifikuar shkaqet dhe për të identifikuar masat për të parandaluar përsëritjen dhe mësimet e marra ndahen në të gjithë organizatën. Përdorimi i Rregullave për Shpëtimin e Jetës që synojnë parandalimin e dëmtimeve serioze dhe fatale mbetet një fushë me fokus të lartë, si edhe përmirësohet më tej cilësia e investigimeve dhe mësimave të nxjerra prej tyre.

Autoriteti për ndalimin e punës

Karta e Autoritetit për ndalimin e punës është vendosur nga CEO i Statkraft duke theksuar angazhimin e menaxhimit kundrejt SHSMM dhe autorizimit të të gjithë punonjësve të DHP-së dhe të kontraktorëve të saj për të ndaluar çdo aktivitet pune të pasigurt me mbështetje të plotë nga CEO i Statkraft.

Treguesit Kryesorë të Ecurisë së angazhimeve

Janë vendosur tregues për të inkurajuar dhe matur angazhimin e punonjësve dhe drejtuesve p.sh. vëzhgimet e rrezikut, propozimet e përmirësimit, vëzhgimet pozitive dhe dialogët mbi sigurinë në punë. Këto Tregues Kryesorë të Ecurisë kanë pasur një zhvillim pozitiv.

Shpërblimi i CEO-s për SHSMM

Një skemë shpërblimi është vendosur për të inkurajuar veprimtaritë që kontribuojnë në përmirësimin e ndërgjegjësimit rezultatet dhe angazhimin në organizatë në lidhje me SHSMM.

Përmirësimi i vazhdueshëm

Është realizuar një rivlerësim vjetor i drejtimit rreth performancës së Statkraft lidhur me aktivitetet e SHSMM dhe rekomandimet janë integruar në planet SHSMM. Bashkëpunimi realizohet ndërmjet fushave të biznesit për shkëmbimin dhe mësimin nga incidentet, programet e shëndetit dhe sigurisë dhe praktikatat më të mira.

Shëndeti

Kemi iniciativë të dedikuara që fokusohen në shëndet dhe mirëqenie, që adresojnë sfidat e dala nga pandemia Covid-19. Këto përfshijnë organizim fleksibël të punës, survejime pulsive për të kontrolluar statusin, promovimin e burimeve dhe mjeteve lidhur me shëndetin mendor, një javë vetëdijësimi rreth shëndetit mendor dhe webinarë të ndryshëm me fokus në shëndetin mendor dhe fizik.

Siguria publike

Veprimtaritë e Statkraft kërkojnë ndërveprim të theksuar me palët e treta dhe mjedisin dhe ne jemi të fokusuar në mundësimin e sigurisë së tyre. Siguria e digave është një fushë kryesore ku ne fokusohemi. Statkraft bën mirëmbajtje në diga dhe strukturat e lidhura nëpërmjet një sistemi strikt dhe të kontrolluar. Masat merren në përputhje me kërkesat ligjore dhe rregullatore si edhe në përputhje me procedurat dhe planet e detajuara të Statkraft për mbrojtjen e jetës, mjedisit dhe pronës. Statkraft kryen edhe inspektime sistematike dhe mirëmbajtje të aseteve elektrike në përputhje me ligjet dhe rregulloret. Asetet pranë zonave me akses publik kanë masa të shtuara të sigurisë elektrike.

Siguria

QËLLIMI	SYNIMI	STATUSI
Në mënyrë aktive të parandalojë dëmtimin e njerëzve dhe aktiveve përmes një përjasje sistematike.	Zbatimi i iniciativave ndihmëse të identifikuar	●
Komente mbi ecurinë		
<ul style="list-style-type: none"> DHP vazhdon zbatimin e rregulloreve për mbrojtjen dhe ndërgjegjësimin e shtuar mbi sigurinë. Reagimi ndaj Covid-19 ka qenë përpjekje kryesore gjatë vitit 2021. Reagimi është koordinuar globalisht dhe në përputhje me udhëzimet e autoriteteve shëndetësore vendore. 		
Iniciativat kryesore		
<ul style="list-style-type: none"> Fokusi i reagimit ndaj Covid-19 pritet të vazhdojë dhe në vitin 2022. Masat kryesore të planifikuara për 2021 janë zbatimi i vazhduar i rregulloreve të sigurisë kombëtare, zbatimi i kërkesave të reja globale për kontrollin e prejidhjes së para punësimit dhe forcimi i mëtejshëm i kapaciteteve të Shoqërisë për mbrojtje IT/kibernetike. 		

Përjasja jonë

DHP ka një përjasje gjithëpërfshirëse dhe ndjek praktikatat e mira ndërkombëtare për administrimin e sigurisë. Siguria i referohet aftësisë për të mbajtur njerëzit, operacionet, informacionet dhe sistemet të mbrojtura nga dëmtimet e qëllimshme. Çështjet e sigurisë adresohen përmes një përjasje të bazuar në rrezik. DHP ka një marrëdhënie të mirë me shoqëri si lokale ashtu edhe globale të mbrojtjes, dhe merr pjesë në rrjetet kombëtare dhe ndërkombëtare për të siguruar një kuptim të përditësuar të rreziqeve të sigurisë. Siguria e informacionit ka një prioritet të lartë dhe DHP ndjek praktikatat e mira ndërkombëtare për administrimin e sigurisë së informacionit.

Qëllimi është të ndërtojë dhe në mënyrë të vazhdueshme të përmirësojë një kulturë të fortë të sigurisë së informacionit që siguron konfidencialitet, integritet dhe disponueshmëri të informacionit të DHP. Përgjatë 2021, DHP ka përjetuar një trend pozitiv në ndërgjegjësimin ndaj sigurisë së informacionit.

Rreziqet kryesore

DHP vlerëson rreziqet e sigurisë duke analizuar kërcënimet, dobësitë dhe pasojat. Kryerja e vlerësimeve të rrezikut të sigurisë është një përgjegjësi parësore, e mbështetur nga njësi për Mbrojtjen dhe Përgjigjen ndaj Emergjencave dhe njësi për Sigurinë e Informacionit të Korporatës. DHP përdor një gamë të gjerë masash për të reduktuar rreziqet e sigurisë.

Përgatitja për emergjencë

Aftësia e DHP për të përballuar ngjarje emergjente të padëshiruara dhe serioze është një prioritet i vazhdueshëm. Një kërkesë e grupit mbi Administrimin e Përgjigjes ndaj Emergjencave u prezantua në 2017, për të siguruar një përfaqje të përbashkët në përgjigjen ndaj emergjencave në të gjithë shoqërinë. Përgjigja ndaj emergjencave e DHP-së është e bazuar në përdorimin e skuadrave specifike të përkohshme. Kjo përfaqje synon t'i mundësojë DHP-së të përballojë emergjencën në nivele lokale dhe strategjike.

DHP po punon gjithashtu me shoqëri të tjera, organizata jo-qeveritare, institucionet lokale të zbatimit të ligjit dhe departamentet e zjarrfikëseve për të siguruar përgatitjen më të mirë të mundshme për të përballuar emergjencat.

Të drejtat e njeriut

QËLLIMI	SYNIMI	STATUSI
Të silltet sipas Parimeve Udhëzuese të Kombeve të Bashkuara mbi Biznesin dhe të Drejtat e Njeriut	Implementimi i iniciativave kryesore të identifikuar	●
Komentet mbi ecurinë		
<ul style="list-style-type: none"> Arrijtjet kryesore në 2021 përfshijnë fokusin e shtuar në të drejtat e njeriut në proceset kryesore. 		
Iniciativat kryesore		
<ul style="list-style-type: none"> Përditësimi dhe përmirësimi i vazhduar i kërkesave për të drejtat e njeriut, në përputhje me zhvillimet ndërkombëtare dhe integrimi në procese kryesore. Trajnime ndërgjegjësimi për të drejta themelore të njeriut për skuadra të zgjedhura të DHP 		

Përfaqja jonë

Puna e DHP mbi të drejtat e njeriut, si pjesë e grupit Statkraft, është e bazuar në Parimet Udhëzuese të Kombeve të Bashkuara mbi Biznesin dhe të Drejtat e Njeriut. Angazhimi i Statkraft në politikën e të drejtave të njeriut reflektohet në Kodin e Sjelljes së Statkraft dhe në politikën e Grupit rreth Qëndrueshmërisë dhe SHSMM. Ky angazhim është i disponueshëm publikisht dhe është komunikuar si brenda dhe jashtë shoqërisë, tek personeli ynë, partnerët e biznesit dhe palë të tjera të rëndësishme.

Rreziqet kryesore

Vlerësimi i përditësuar i ndikimeve në të drejtat e njeriut nga Statkraft ka identifikuar katër fusha prioritare dhe rreziqet më të larta. Fushat ku duhet të përqendrojmë përpjekjet tona rreth të drejtave të njeriut janë:

- Marrëdhëniet me komunitetin dhe licenca sociale
- Shëndeti, sigurimi teknik dhe siguria, përfshirë privatësinë
- Kushtet e punës në ambientin e punës
- Punë e denjë në zinxhirin e furnizimit

Statusi në 2021

Për të siguruar ndërgjegjësim të lartë dhe për të shmangur rrezikun e sjelljes, grupi Statkraft ndërmerr rregullisht seminare për ndërgjegjësimin dhe trajnime të lidhur me dilemat në sigurinë e informacionit për të gjitha fushat e biznesit dhe shtetet, përfshirë Shqipërinë.

Menaxhimi i Covid-19

Reagimi ndaj Covid-19 ka qenë përpjekja kryesore gjatë vitit 2021. Reagimi është koordinuar globalisht për të garantuar përkujdesje të harmonizuar në përputhje me këshillat dhe udhëzimet lokal të autoriteteve shëndetësore. Strategjia e Statkraft për reagimin ndaj pandemisë ka evoluar rreth parimeve:

- Parandalim i përhapjes dhe mbrojtje e punonjësve, në përputhje me planet kombëtare
- Mirëmbajtje dhe menaxhim i proceseve kritike për shoqërinë – prodhimi i energjisë dhe menaxhimi i ujit

Statusi në 2021

Iniciativat për të drejtat e njeriut

Në vitin 2021, ne vazhduam të përforcojmë angazhimin tonë në respekt të së drejtave të njeriut në procese kryesore dhe kemi priorizuar përpjekjet tona lidhur me çështje themelore të të drejtave të njeriut.

Konsultimet

Në 2021, kanë vazhduar konsultimet dhe angazhimet me një gamë të gjerë grupesh interesi lokale dhe qendrore.

Për hidrocentralet të Banjës dhe Moglicës, vazhdojnë të zbatohen marrëveshjet mbi masat lehtësuese dhe kompensimin shtesë edhe pas përfundimit të fazës së ndërtimit.

Shoqëria mban një komunikim të rregullt me përfaqësuesit e komunitetit për projektet e saj dhe operon me Mekanizmin e Shqyrtimit të Ankesave për të adresuar ankesat / pakënaqësitë.

Shkëmbimi i njohurive

Për secilin fazë përkatëse të zhvillimit të projektit janë zhvilluar fushata ndërgjegjësimi mbi veprimtaritë e projekteve (p.sh. shfrytëzimi i HEC-eve të Banjës dhe Moglicës).

Praktikat e punës

Iniciativat kryesore

- Vazhdon zbatimi i zhvillimit të njerëzve duke përfshirë aktivitetet e synuara për zhvillimin e udhëheqjes.
- Trajnim mbi paragjykimin e pavetëdijshëm për të gjithë liderët e Statkraft dhe forcimi i mekanizmave për të shmangur paragjykimet dhe anësitë në proceset e njerëzve të Statkraft.
- Aktivitetet kryesore të planifikuara për 2021 përfshijnë të punuarit në mënyrë aktive për të rritur numrin e femrave në pozicione drejtuese.
- Praktika të punës së sigurt nga shtëpia
- Realizuar vlerësim global rreth maturitetit të diversitetit dhe përfshirjes si edhe vrotime me punonjësit si bazë për plane veprimi sistematike dhe me synime specifike
- Vendosur indeks i ri i përfshirjes që mat përvojat e përfshirjes së punonjësve në mjedisin e punës

Përqsja jonë

Në Statkraft, të gjithë punonjësit kanë një rol të rëndësishëm në arritjen e ambicies tonë për të udhëhequr tranzicionin drejt energjive të rinovueshme. Statkraft është e angazhuar për një mjedis pune të karakterizuar nga barazia, diversiteti dhe respekti i ndërsjellët.

DHP mbështet dhe respekton të drejtat e punës të njohura ndërkombëtarisht duke përfshirë lirinë e shoqërimit dhe njohjen efektive të së drejtës së negociimit kolektiv, eliminimi i të gjitha formave të punës së detyruar, ndalimin efektiv të punës së fëmijëve, dhe eliminimin e diskriminimit në lidhje me punësimin dhe profesionin. DHP gjithashtu punon për realizimin e këtyre të drejtave si pjese e administrimit të zinxhirit tonë të furnizimit.

Rreziqet kryesore

Është me rëndësi të veçantë për DHP të tërheqë, zhvillojë, dhe të mbajë njerëzit dhe kompetencën për të arritur qëllimin dhe strategjinë tonë.

Përgjegjshmëria është një nga vlerat bërthamë të Statkraft. Fokus kryesor gjatë vitit 2021 ka qenë garantimi i shëndetit dhe sigurisë i njerëzve tanë gjatë pandemisë Covid-19.

Si gjatë vitit 2021 e në vazhdimësi për Statkraft është kritike të tërheqë, zhvillojë, dhe të mbajë forcën punëtore të nevojshme për të arritur qëllimin dhe strategjinë tonë për të udhëhequr tranzicionin drejt energjive të rinovueshme.

Statusi në 2021

Në tetor 2021 u zhvillua një studim mbi angazhimin e punonjësve të DHP me një shkallë të marrjes së përgjigjes prej 95%. Studimi tregoi motivim dhe kënaqësi të lartë dhe të qëndrueshme. Rezultatet në total për angazhimin e punonjësit ishin 97%.

Tërheqja dhe zhvillimi i njerëzve

Në 2021, ne kemi vijuar me zbatimin e masave për të mbajtur një nivel të lartë të angazhimit të punonjësit dhe të forcojmë më tej zhvillimin e njerëzve. Shembuj të kësaj përfshijnë përpjekje të vazhdueshme për të forcuar kompetencën e drejtuesve për të motivuar, zhvilluar dhe rritur ecurinë e skuadrave të tyre. Gjatë vitit 2021 u prezantuan disa iniciativa të ndryshme të zhvillimit të udhëheqjes, të projektuara për grupe dhe objektiva mësimi të ndryshme. Përpjekje të mëtejshme për të ndërtuar dhe zgjeruar zhvillimin e drejtimit do të vazhdojnë në 2022.

Përveç iniciativave të synuara për drejtuesit, DHP gjithashtu ka një fokus të vazhdueshëm në aktivitete mësimore të cilat janë të krijuara për nevojat e zhvillimit të punonjësve në të gjithë Shoqërinë. Statkraft ofron shume kurse të brendshme, mësim në internet dhe seminare. Në 2021, Statkraft vazhdoi të mësojë nga programet eksperimentale mbi metodat e shpejta të projekteve dhe të zhvillojë trajnime si një ofertë për të gjithë punonjësit.

Iniciativa për zhvillimin e mëtejshëm të aftësive dhe kompetencave të reja do të prioritarizohen në vitin 2022.

Diversiteti i fuqisë punëtore dhe përfshirja

DHP kërkon të rrisë diversitetin dhe të nxisë përfshirjen. Ne besojmë se kjo mundëson perspektiva të reja dhe ide që nxisin inovacionin i cili përputhet me nevojat e klientëve tanë dhe shoqërisë. Angazhimi në diversitet dhe përfshirje është i lidhur me të gjitha fushat e diversitetit si p.sh. gjinia, kombësia, prejardhja arsimore, mosha dhe mendësitë. Ne kemi një angazhim të qartë për trajtimin e barabartë dhe toleranca zero për diskriminimin, bullizmin dhe ngacmimin janë parimet themelore të politikave të njerëzve të grupit Statkraft.

Ne do të vazhdojmë të zhvillojmë masat e diversitetit dhe përfshirjes dhe tërheqja dhe zhvillimi i një force punëtore me diversitet dhe shumë kompetente do të vazhdojë të jetë prioritet i rëndësishëm në vitin 2021.

Në fund të vitit 2021, DHP kishte përafërsisht 45 punonjës. DHP kishte punonjës që përfaqësonin 4 kombësi të ndryshme. Përqindja e femrave në DHP ishte 31%.

ADMINISTRIMI SOCIAL DHE MJEDISOR

Programi për Menaxhimin Social dhe Mjedisor (MMS) përfshin të gjitha masat lehtësuese sociale dhe mjedisore për Projektin Hidroenergjetik të Devollit. Këto masa janë zbatuar gjatë fazës së zbatimit të projektit bazuar në Planin e Menaxhimit Mjedisor dhe Social (PMMS) të vitit 2013 dhe fazën e operimit në kuadrin e Planit të Menaxhimit Mjedisor dhe Social për Operacionet (PMMS-O) dhe projekte të tjera specifike të integruar në kuadrin e aktiviteteve të MMS. Masat zbatohen brenda moduleve kryesore dhe në përputhje me programin kryesor të zbatimit të projekteve. MMS ndjek një Vlerësim të Ndikimit Mjedisor dhe Social (VNMS) të kryer për Projektin Hidroenergjetik të Devollit.

MMS është e përbërë nga tre komponentë kryesorë, Mjedi, Ri-sistemimi dhe Zhvillimi Social dhe Marrëdhënie me Komunitetin. Programi zbatohet përmes PMMS & PMMS-O, i cili përshkruan angazhimet e DHP për mjedisin dhe familjet / personat e prekur nga projekti në lidhje me zbutjen e ndikimeve të projektit dhe promovimin e mundësive të zhvillimit të projektit në Luginën e Devollit. Ky plan është bërë publik që nga tetori 2013 dhe është i aksesueshëm përmes faqes së internetit të DHP dhe Zyrës së Informimit të Publikut të DHP në hidrocentralin e Banjës.

Programi MMS i DHP-së synon të jetë në përputhje me Standardet e Performancës mbi Qëndrueshmërinë Mjedisore dhe Sociale të Korporatës Ndërkombëtare Financiare (IFC). Qëllimi është të sigurohemi që programet MMS të zbatohen në atë mënyrë që të gjitha familjet e prekura nga projekti dhe komunitetet të kenë rifituar ose mundësisht përmirësuar standardet e jetesës si rezultat i projektit dhe si pasojë të bëhen përfitues të projektit.

Qëllimet e MMS:

- Të identifikojë dhe zbusë ndikimet e mjedisore dhe sociale të projektit dhe të nxisë mundësi të qëndrueshme zhvillimi
- Të ndihmojë njerëzit e zhvendosur për të përmirësuar jetesën dhe standardet e tyre të jetesës ose të paktën për t'i rikthyer ato në nivelet para-projektit
- Të marrë masa për zbutjen e ndikimit në mjedis për të minimizuar ndikimet e projektit në mjedisin natyror dhe të zhvillojë shërbime të infrastrukturës mjedisore për të shmangur efektet negative si për projektin ashtu edhe për grupet kryesore të interesit

Biodiversiteti

QËLLIMI	SYNIMI	STATUSI
Ofrimi i energjisë miqësore ndaj klimës, të rinovueshme dhe marrja e masave të përgjegjshme mjedisore	Zero incidente serioze mjedisore mbi biodiversitetin	●
Komentet mbi ecurinë <ul style="list-style-type: none"> • DHP nuk kishte incidente serioze mjedisore në vitin 2021. Shoqëria ndërmori një gamë të gjerë iniciativash, të kërkuara nga autoritetet e energjisë ose mjedisit ose vullnetarisht, që synonin ruajtjen e biodiversitetit. • Arritje kryesore në zbatimin e masave zbutëse mjedisore gjatë vitit 2021 në zonat e HEC-ve të Banjës dhe Moglicës, siç është pyllëzimi i një sipërfaqe të konsiderueshme. Gjithashtu, monitorimi i gjerë i treguesve mjedisorë duke u përqendruar në cilësinë e ujit dhe biodiversitetin u jor të lumit Devoll dhe rezervuarëve të Banjës dhe Moglicës. 		
Iniciativat kryesore <ul style="list-style-type: none"> • Ndjekja e zgjeruar dhe komunikimi i ecurisë së trajtimit sistematik të biodiversitetit, p.sh. monitorimi i biodiversitetit u jor dhe dorëzimi i rezultateve tek autoritetet përkatëse, sipas kërkesës • Rritja e të kuptuarit të ndikimeve tona në biodiversitet, dhe trajtimi adekuat në zhvillimin dhe funksionimin e projektit. • Masat kryesore të planifikuara për vitin 2021 janë monitorimi i biodiversitetit u jor në lumin Devoll dhe rezervuarët e Banjës / Moglicës për krijimin e një baze informacioni mbi biodiversitetin u jor të rezervuarëve të krijuar rishtazi. • Vazhdimi i zbatimit të programit të pyllëzimit, përfshirë rehabilitimin përmes pyllëzimit të zonave të prekura nga projekti 		

Përqasja jonë

DHP është e angazhuar të administrojë në mënyrë të përgjegjshme ndikimet në biodiversitet, të shkaktuara nga aktivitetet e Shoqërisë dhe i kushton vëmendje të veçantë monitorimit të parametrave mjedisorë në cilësinë e ujit dhe biodiversitetin ujor. Gjithashtu, një vëmendje e veçantë i kushtohet zbatimit të një programi të gjerë pyllëzimi.

Rreziqet kryesore

Në nivel global, rreziku më i madh për biodiversitetin është copëtimi dhe degradimi i habitateve të gjallesave. Në një raport vlerësimi global të botuar në vitin 2019, "Platforma Ndërqeveritare e Shkencës-Politikës mbi Biodiversitetin dhe Shërbimet e Ekosistemit" e Kombeve të Bashkuara deklaroi se ky është për biodiversitetin një kërcënim më i madh sesa ndryshimi i klimës.

I gjithë gjenerimi i energjisë ndikon në biodiversitetin dhe mjedisin. Ndikimi i DHP në biodiversitet vjen nga aktivitetet tona kryesore të gjenerimit të hidroenergjisë. Hidroenergjia modifikon kushtet e jetesës së gjallesave ujore, gjë që paraqet një sfidë për peshqit mërgimtarë. Vlerësimi i rreziqeve mjedisore që lidhen me biodiversitetin është pjesë e procedurave dhe praktikave të administrimit të rrezikut të DHP dhe e integruar në PMMS / PMMS-O.

Statusi 2021

Programi i pyllëzimit

Më shumë se 160 Ha sipërfaqe të reja të pyllëzuara janë mbjellë me specie pyjore me pemë frutore në zonën e projektit gjatë vitit 2021, duke përmbyllur fazën e mbjelljeve të Programit të Pyllëzimit të Devollit, me mbulimin e një sipërfaqe prej më shumë se 870 Ha.

Cilësia e ujit dhe monitorimi i biodiversitetit ujor

Nuk janë identifikuar ndikime të konsiderueshme negative në mjedis.

Ndryshimet klimatike

Iniciativat kryesore

- Ndjekja nga afër e politikave klimatike në nivel kombëtar dhe ndërkombëtar.
- Zhvillimi i vazhdueshëm i tregut të Statkraft dhe analiza strategjike në mënyrë që të merren vendime tregtare të solide dhe të vlerësohet se si ndryshimet klimatike dhe politikat klimatike ndikojnë në portofolin dhe strategjinë e Statkraft.

Përfaqsjja jonë

Ndryshimet klimatike përbëjnë një nga sfidat më të mëdha me të cilat po përballlet bota. Përmes bërthamës së veprimtarisë tonë të biznesit, DHP kontribuon në rritjen e gjenerimit të energjisë nga burimet e rinovueshme. DHP është e përkushtuar për neutralitetin e klimës dhe është regjistruar në iniciativën Klimë Neutrale Tani e Kombeve të Bashkuara (UN Climate Neutral Now) si pjesë e grupit Statkraft. Kontributet kryesore të DHP në një sistem energjie më të qëndrueshëm janë operacionet tona aktuale dhe investimet e reja në energjinë e rinovueshme dhe aktivitetet e lidhura të tregut.

Rreziqet kryesore

Ndryshimet e modeleve të motit do të ndikojnë drejtpërdrejt në vlerën e aktiveve të DHP, pasi do të ndikojnë në gjenerimin vjetor të centraleve dhe në vlerën e fleksibilitetit që mund të ofrojnë centralet. Hidrocentralet janë veçanërisht të ekspozuar ndaj ndryshimeve klimatike. Moti më ekstrem mund të sfidojë edhe integritetin fizik të infrastrukturës sonë. Ndërsa jeta e komponentëve të rëndësishëm si digat, rrugët ujore dhe turbinat është e gjatë, ndryshimet strukturore të motit duhet të konsiderohen si në investimet e fushës së gjelbër, ashtu edhe në përditësimet dhe përmirësimet. Nga ana tregtare, ndryshimet në nivelet e reshjeve do të ndikojnë në prodhimin e centraleve, dhe modelet më ekstreme të motit mund të rrisin vlerën e fleksibilitetit dhe kapacitetit të ruajtjes.

Statusi 2021

Energjia e rinovueshme

Në vitin 2025, Statkraft synon të mbetet prodhuesi më i madh në Europë i energjisë së rinovueshme dhe mes tre prodhuesëve të energjisë më të mëdhenj në Europë që janë në harmoni me mjedisin. Më tej, Statkraft synon objektiva në emetimet në nivel global: <50 g CO₂e/kWh brenda vitit 2025, <35 g CO₂e/kWh brenda vitit 2030 dhe neutralitet klimatik brenda vitit 2040.

Mbështetje për dekarbonizimin e shoqërisë

Në shkurt 2020, Shoqëria e kërkimit Bloomberg NEF në partneritet me Statkraft dhe Shoqërinë teknologjike Eaton publikuan raportin "Ndërlidhja Sektorëve në Europë: Fuqizimi i Dekarbonizimit" i cili ka treguar se elektrifikimi i transportit, ndërtesave dhe sektorëve industrialë në Europë mund të reduktojë emetimet e gazrave serrë me 60% ndërmjet vitit 2020 dhe 2050. Raporti ka hartuar një rrugë të besueshme për elektrifikimin, në konsideratë të niveleve aktuale të ambicies politike në vende si Mbretëria e Bashkuar dhe Gjermania. Elektrifikimi, apo "ndërlidhja e sektorëve", mund të japë një kontribut shumë të madh kundrejt arritjes së objektivave të qeverive për reduktimin e emetimeve duke shfrytëzuar tranzicionin që po vijon në sektorin e prodhimit të energjisë me nivel të ulët karboni.

Ndryshimet klimaterike dhe operacionet e tregut

Hidrocentralet e DHP kanë rezervuar të mëdha të cilët mund ta ruajnë ujin përgjatë stinëve dhe viteve. Një element kyç i procesit të administrimit të përditshëm të energjisë është parashikimi për prurjet e ardhshme dhe ndonjë pasiguri e lidhur me këtë. Këto vlerësime bazohen në vëzhgime historike gjatë disa dekadave. Seritë kohore sigurisht duhet të rregullohen në bazë të ndryshimeve klimatike për të siguruar një bazë të vlefshme për vlerësimin e prurjeve të ardhshme. Për DHP-në, të kuptosh se si klima po ndryshon është me rëndësi për veprimtaritë tona të përditshme.

Kuadri rregullator dhe potenciali për reduktimin e emetimeve

Politikat klimatike kanë një ndikim të madh tek DHP. Politikat klimatike dhe të energjisë janë gjithmonë e më shumë të ndërlidhura. DHP si pjesë e grupit Statkraft ndjek nga afër zhvillimet në politikat klimatike kombëtare, Evropiane dhe globale për të vlerësuar ndikimin e politikave të tilla. Të kuptuarit e zhvillimit të energjisë së rinovueshme dhe teknologjive të lidhura me të është gjithashtu e rëndësishme, për shkak se kjo ndikon në ritmin e transmetimit të energjisë dhe pozicionin tregtar të DHP-së. Për këtë arsye Statkraft investon burime të rëndësishme në analizën e tregjeve, për të pasur një bazë të fortë për vendimet e investimit dhe shfrytëzimit.

INFORMACION SHPJEGUES EKONOMIK

Administrimi i ujit

QËLLIMI	SYNIMI	STATUSI
Statkraft të njihet si një shoqëri me një praktikë të përgjegjshme në administrimin e ujit	Zbatimi i masave mbështetëse të identifikuar	●
<p>Komente mbi ecurinë</p> <ul style="list-style-type: none"> DHP optimizon përdorimin e ujit duke përmirësuar vazhdimisht performancën e saj mjedisore dhe ekonomike. Në kontekstin e ndryshimeve klimatike, përshtatja e kapacitetit mbajtës të ujit të rezervuarëve të hidrocentraleve kontribuon në reduktimin e përmbytjeve dhe thatësirave në bazenet e lumenjve. Arritjet kryesore në 2021 përfshijnë aktivitete të përgjegjshme për çdo ditë, veçanërisht në situata ekstreme, ku synojmë kontribuojmë në reduktimin e ndikimeve të ngjarjeve të përmbytjeve të mëdha në Shqipëri. Njohuritë dhe efica në administrimin e integruar të burimeve të ujit janë forcuar. 		
<p>Iniciativa kryesore</p> <ul style="list-style-type: none"> Të sigurojë menaxhim të përshtatshëm si dhe ndjekje sistematike të kërkesave të koncesionit lidhur me nivelet e ujit, limitet e prurjeve dhe rregullave specifike. Të demonstrojë administrim të përgjegjshëm të ujit bazuar në përmirësimin e të kuptuarit të efekteve të ndryshimit klimatik. Kjo përfshin planifikimin për situata potencialisht ekstreme si në vitet e lagësht ashtu edhe ata të thatë dhe të vazhdojmë të jemi në gjendje të përmbushim kërkesat e koncesionit. 		

Përfaqsa jonë

Menaxhimi i përgjegjshëm dhe optimal i burimeve ujore kërkon kapacitetin për analizimin e volumeve të mëdha të të dhënave, dhe parashikimin e kushteve të motit sa më saktësisht të jetë e mundur, për të krijuar vlerë për shoqërinë në mënyrë të qëndrueshme. Këto detyra komplekse kërkojnë bashkëpunim të ngushtë ndërmjet ekspertëve të ndryshëm në hidrologji, meteorologji, analizë tregu dhe planifikim prodhimi. Aktivitetet tona mbulojnë katër fusha: rritjen e efica së përdorimit të burimeve, mbajtja e fleksibilitetit, menaxhim operativ i ujit dhe menaxhim i cilësisë së ujit.

Duke përdorur ujin për prodhim të energjisë së rinovueshme, DHP luan një rol të rëndësishëm në administrimin e këtij burimi të përbashkët. Administrimi i ujit është rregulluar nëpërmjet ligjeve dhe koncesioneve të cilat marrin në konsideratë nevojat sociale, ekonomike dhe mjedisore.

DHP po punon për të përmirësuar dhe optimizuar përdorimin e burimeve të ujit. Një grup i gjerë me ekspertë nga hidrologji tek teknikë infrastrukture po punojnë për të maksimizuar vlerën e ujit të mbajtur në rezervuarë. Modele të simuluar dhe infrastrukture bëjnë të mundur që uji i mbajtur në rezervuar të hidhet në përdorim kur ka vlerën më të madhe për shoqërinë, veçanërisht kur kërkesa është e lartë dhe teknologjitë e tjera janë më pak të mundura.

Rreziqet kryesore

Humbja e prodhimit fleksibël të hidroenergjisë së rinovueshme është një rrezik kryesor pas rishikimit të planifikuar të kushteve në rrjedhat ujore.

Një tjetër rrezik është humbja e mundësisë për kontroll të përmbytjeve duke vendosur kufizime në shfrytëzimin e rezervuarëve të cilat reduktojnë mundësinë për të absorbuar/mbajtur reshje të mëdha të shiut të kombinuara me shkrirjen e dëborës.

Statusi 2021

Menaxhimi operacional i ujit

Ndryshimet klimatike çojnë në mot më ekstrem dhe reshje masive në një periudhë të shkurtër kohore. Përmbytje të papritura mund të shkaktojnë dëme të mëdha, megjithatë rezervuarët e hidroenergjisë mund të luajnë një rol të rëndësishëm në zbutjen e përmbytjeve. Në përqipëmi të reduktojmë nivelin e ujit në rezervuarë paraprakisht, pavarësisht situatës së tregut të energjisë, për t'i mundësuar rezervuarëve tanë të përthithin vëllime të mëdha të pritshme të ujit. Rezervuarët jo me doemos kanë kapacitet për të mbledhur gjithë ujin nga shiu gjatë reshjeve intensive të paparashikuara.

Njohuritë e përmirësuara

Grupi Statkraft synon të jetë forcë udhëheqëse në Kërkimin & Zhvillimin e hidrocentraleve. Planifikimi më i mirë dhe mjetet për përmirësim të zhvilluara përmes projekteve të Kërkim & Zhvillimit i mundësojnë gjithmonë e më shumë Statkraft-it të përballojë më mirë ndryshimet afatgjata në ecurinë dhe kushtet ekstreme të motit.

Shembuj të nismave për administrimin e ujit

Hidrocentrali i Banjës është i vendosur pranë Gramshit në Shqipëri. Rreth 14,000 banorë jetojnë në qytetin në afërsi të hyrjes së lumit Devoll në rezervuar. Përpara se të ndërtohej Diga e Banjës, Gramshi nuk kishte një impiant funksional të trajtimit të ujërave të përdorura. Nëse nuk do të trajtoheshin, ujërat e përdorura do të grumbulloheshin në rezervuar në vend që të transportoheshin nga lumi deri në det. Kjo do të sillte një ndikim shumë të madh mjedisor. Si pjesë e një programi të zgjeruar të ndihmesës në ndikimin mjedisor dhe social, u financua nga Statkraft një impiant i trajtimit të ujërave të përdorura si një partneritet publik-privat dhe Statkraft ja dorëzoi këto asete Bashkisë Gramsh për mirëmbajtje dhe shfrytëzim.

Aktualisht po zbatohet një program monitorimi mjedisor në bashkëpunim me Universitetin Bujqësor të Tiranës dhe Universitetin Aristotel të Selanikut.

Etika e biznesit

QËLLIMI	SYNIMI	STATUSI
Të parandalojë korrupsionin dhe sjelljet jo etike në të gjitha veprimtaritë	Zero incidente serioze të pajtueshmërisë Zbatim në kohë i masave të pajtueshmërisë	● ●
Komente mbi ecurinë <ul style="list-style-type: none"> Zbatimi i programit të pajtueshmërisë vijon, duke përfshirë zbatimin e masave të planifikuara të lidhura me trajnimin, formimin e kulturës dhe lehtësimin e rreziqeve në procese kritike të biznesit. Arritje kryesore në 2021 përfshijnë realizimin e vlerësimit të thelluar të rrezikut për të gjithë grupin rreth Etikës në Biznes dhe Përputhshmërisë të realizuar në të gjitha vendet, kryerjen e një raundi të ri të mësimit nëpërmjet internetit, një fushatë për ndërgjegjësimin rreth mashtrimit lidhur me rreziqet e shtuara në kontekstin e Covid-19. 		
Iniciativat kryesore <ul style="list-style-type: none"> Komunikimi i rregullt dhe veprimtari për formimin e kulturës, dhe trajnime të caktuara për të gjithë punonjësit mbi etikën në biznes. Rishikimi i rregullt i kontroleve të brendshme në procese kyçe të biznesit për të siguruar përbalimin në mënyrën e duhur të rreziqeve të etikës në biznes. Zbatim i programit të pajtueshmërisë. Përforsim i burimeve të përputhshmërisë në të gjitha nivelet. 		

Përqsasja jonë

DHP është e angazhuar për standarde të larta të sjelljes në biznes. Kodi i Sjelljes i grupit Statkraft përcakton pritësinë nga secili punonjës, dhe kërkesat tona strikte janë në një linjë me praktikën e mira ndërkombëtare. Etika e biznesit është një përgjegjësi në të gjitha nivelet, e mbështetur nga një funksion qendror i pajtueshmërisë. Ne kemi në aplikim një program gjithëpërfshirës të pajtueshmërisë i cili mbulon fushat e korrupsionit, mashtrimit, pastrimit të parave, sanksioneve dhe kontrollit të eksportit, si edhe mbrojtjen e të dhënave personale dhe ligjit të konkurrencës. Programi i pajtueshmërisë është audituar në 2019, ndjekur nga auditime me fokus të veçantë në çështje/rajone të caktuara gjatë vitit 2020 dhe 2021. U vlerësua si i përshtatshëm dhe proporcional sipas rreziqeve të Grupit, dhe i përditësuar me zhvillimet më të fundit të rëndësishme në legjislacionin dhe standardet e jashtme.

Rreziqet kryesore

Statkraft kryen rregullisht vlerësime të rrezikut kundër korrupsionit për të gjithë Grupin dhe një herë në vit për të gjitha fushat e biznesit. Procesi i administrimit të rrezikut është më i zgjeruar për vendet dhe projektet me rrezik më të lartë, dhe gjithmonë përfshin një kombinim të ekspertizës lokale dhe burimeve qendrore të pajtueshmërisë. Metodologjia për vlerësimin e rrezikut rishikohet rregullisht, dhe në vitin 2021 janë aplikuar rregullime të mëtejshme në metodologji.

Rreziqet kryesore të korrupsionit lidhen me proceset e transaksioneve, prokurimeve dhe pagesave, përdorimi i agjentëve dhe ndërmjetësve, proceset e lejeve nga qeveria, dhe administrimi i grupeve vendore të interesit. Rreziqet veçanërisht varen nga teknologjia dhe lloji i biznesit në diskutim. Këto ngjyime reflektohen në hartat e rreziqeve në njësi të ndryshme të biznesit.

Statusi 2021

Trajnimi dhe komunikimi

DHP sigurohet që të gjithë punonjësit të jenë të mësuar me parimet e përcaktuara nga Kodi i Sjelljes dhe rregullat e brendshme të etikës në biznes. Sesione trajnimi janë zhvilluar gjatë 2021, ndërsa të gjithë punonjësit e rinj përfunduan kurset virtuale. Gjatë vitit çështje të etikës në biznes janë përfshirë në udhëheqje dhe eventet e Grupit.

Portali i brendshëm i Statkraft për Etikën në Biznes është një nyje kyç për shkëmbimin e njohurive, angazhimin dhe ndërtimin e kulturës. Portali, i cili përmban materiale dhe udhëzues në të gjitha temat e rëndësishme është përditësuar gjatë vitit 2021 për një përvojë më të mirë përdorimi. Vendosim edhe objektiva rreth frekuencës së diskutimeve të dilemave që organizohen nga menaxherët në nivele të ndryshme, si edhe iniciativa të tjera të ngjashme. Ecuria ndaj këtyre objektivave matet.

Kontrolli i partnerëve të biznesit

DHP si pjesë e grupit Statkraft ka procedurën të qarta, të detajuar për përbalimin e rreziqeve të lidhura me palët e treta. Kjo përfshin një politikë për kontrollin e prejardhjes, klauzolat në kontrata dhe monitorimin e kryer për kontratat me rrezik të lartë. Të gjithë partnerët e biznesit me rrezik të lartë (duke përfshirë të gjithë agjentët) kontrollohen nga Njësia e Pajtueshmërisë. Rishikimet e kryera të integritetit përfshijnë vlerësim të strukturës së pronësisë (duke përfshirë pronarët përfitues), të lidhjeve me persona të ekspozuar politikisht dhe rreziqet e reputacionit të lidhura me palët e tjera. Është punuar më tej për të kombinuar më shumë rishikimin e integritetit në procesin e prokurimit dhe trajnimit.

Parandalimi i mashtrimit dhe kontrollet e brendshme

Statkraft i njeh risqet e shtuara që kanë ardhur si pasojë e pandemisë Covid-19 dhe ka filluar një iniciativë të vetëdijesimit në vitin 2020 me synim përforcimin e rezistencës në linjën e parë të mbrojtjes duke fuqizuar menaxherët për të kontrolluar riskun. Fushata ka vazhduar edhe gjatë vitit 2021 dhe ka konsistuar në komunikimin me të gjithë punonjësit rreth materialeve të reja rreth mashtrimit si edhe trajnime dhe komunikime specifike.

Në 2021 u ndërmoren disa nisma për të forcuar më tej procedurat dhe kontrollet e brendshme të lidhura me pajtueshmërinë. Pati zhvillime të mëtejshme në Sistemin e Parandalimit të Mashtrimit, duke përfshirë rregullime në kontrollet ekzistuese të proceseve financiare. Janë kryer projekte në mbarë korporatën me fokus në parandalimin e mashtrimit dhe kontrolle të përforcuara do të realizohen gjatë vitit 2022 në kuadër të zhvillimit të vazhdueshëm të mjetit të Analizës Financiare dhe të Mashtrimit.

Mbrojtja e të dhënave personale

Gjatë vitit 2021, Statkraft ka realizuar iniciativën të ndryshme për të përforcuar më tej programin tonë të privatësisë dhe mbrojtjes së të dhënave personale:

- Kemi përforcuar bashkëpunimin me Sigurinë IT për të siguruar një përvojë më gjithëpërfshirëse për përdoruesit tanë.
- Kemi marrë pjesë në disa aktivitete bashkëpunuese me Stafe të tjera të Korporatës për rritjen e vetëdijesimit rreth mbrojtjes së të dhënave personale dhe privatësisë.
- Kemi automatizuar dhe lehtësuar procesin e trajtimit të kërkesave lidhur me mbrojtjen e të dhënave për dokumentimin dhe menaxhimin më të mirë të kërkesave.
- Kemi filluar disa projekte përmirësimi në vijim të rezultateve nga Audite të Korporatës lidhur me kuadret e kontrollit të brendshëm, mbështetje sistemi dhe tema të tjera: një shembull është zhvillimi i udhëzimeve lidhur me tematika të veçanta për proceset e ndryshme të menaxhimit të grupeve e interesit, mjedisit dhe shoqërisë në projekte.

Taksat

DHP, si pjesë e grupit Statkraft ndjek një strategji tatimore e cila është parimore, transparente dhe e qëndrueshme dhe në përputhje me Kodin e Sjelljes së Statkraft. Strategjia globale e Statkraft rreth taksave është miratuar nga Bordi i Drejtorëve dhe publikuar në faqen e internetit të Shoqërisë.


Statkraft është e angazhuar të sigurojë pajtueshmëri të plotë me të gjitha detyrimet ligjore dhe të gjitha dispozitat e autoriteteve tatimore. Ne besojmë se një përjasje e përgjegjshme ndaj taksave është thelbësore për qëndrueshmërinë afatgjatë të shoqërive ku jemi aktiv dhe për gjithë biznesin në mbarë botën.

Statkraft ka një përjasje ndaj taksave në një mënyrë që përputhet me strategjinë tonë të biznesit e cila synon reduktimin e kompleksitetit të biznesit dhe koston. Ne nuk angazhohemi në marrëdhënie artificiale për tatimet dhe i konsiderojmë në mënyrë aktive të gjitha implikimet në planifikimin rreth tatimeve. Për më tepër, i gjithë planifikimi tatimor është subjekt i një rishikimi të plotë dhe procesi aprovimi dhe duhet të:

- Mbështesë veprimtari tregtare reale
- Mbështetet në zbulimin e plotë të fakteve dhe rrethanave ndaj autoriteteve tatimore përgjegjëse
- Mos përdorë regjime tatimore të cilat konsiderohen "të dëmshme" nga OECD apo BE

Ne aplikojmë parimin "arm's length" (parimi i tregut) për transaksionet brenda grupit, në përputhje me udhëzimet e praktikës më të mirë, përveç rasteve kur ka dispozita të tjera ligjore për aplikimin e mekanizmave të tjerë të përcaktimit të çmimit. Ne nuk përdorim parajsë fiskale për shmangien e tatimeve dhe paguajmë tatimet sipas krijimit të vlerës brenda rrjedhës normale të aktiviteteve tona tregtare.

Grupi Statkraft ka përcaktuar procedura për administrimin e rrezikut tatimor të cilat lehtësojnë identifikimin e duhur, matjen, administrimin dhe raportimin e rrezikut tatimor.



**Energjia e rinovueshme
mund t'i japë jetë çdo
industrie, çdo biznesi, çdo
komuniteti, çdo shtëpie.
Mund t'i japë jetë progresit.
Mund t'i japë jetë
mundësive.**

An aerial photograph of a large, calm reservoir nestled in a deep mountain valley. The surrounding hills are covered in lush green vegetation. The sky is filled with soft, white clouds. A semi-transparent blue circle is overlaid on the lower part of the image, containing the title text.

Raporti i
Drejtimit të
Brendshëm

2021

Bordi Mbikëqyrës

Tron Engebretsen

Lindur më 1954, Norvegjez

Drejtuesi i Bordit, deri në mars 2021.

Tima Iyer Utne

Lindur më 1960, Norvegjez

Drejtuesi i Bordit, nga prilli 2021.

Wenche Lund Oyno

Lindur më 1962, Norvegjez

Anëtar i Bordit, anëtar që në 2011.

Olav Holland

Lindur më 1961, Norvegjez

Anëtar i Bordit, anëtar që në 2019.

Drejtimi i Brendshëm

Kontrolli dhe drejtimi eficient dhe transparent i biznesit përbën bazën për krijimin e një vlere afatgjatë për pronarin, punonjësit, palët e tjera të interesuara dhe shoqërinë në përgjithësi, dhe si rezultat, kontribuon në krijimin e vlerave të qëndrueshme dhe të përhershme. Shpërndarja e roleve frymëzon besimin mes palëve të interesuara përmes parashikueshmërisë dhe besueshmërisë. Komunikimi i hapur dhe i arritshëm nga shoqëria siguron se Shoqëria mban një lidhje të mirë me shoqërinë në përgjithësi dhe me të gjithë palët e interesuara të ndikuara nga veprimtaritë e shoqërisë.

VEPRIMTARITË

Objekti i DHP, përmes bashkëpunimit me shoqëri të tjera të grupit, është të planifikojë, të projektojë, të ndërtojë dhe të shfrytëzojë objekte të energjisë, të kryejë tregtim fizik dhe financiar të energjisë, dhe të kryejë operacionet e lidhura. DHP është regjistruar në Shqipëri dhe struktura e saj e drejtimit është e bazuar në legjislacionin shqiptar për Shoqëritë. DHP është gjithashtu subjekt i Entit Rregullator të Energjisë (ERE) në lidhje me detyrimet e shoqërisë për licencimin.

KAPITALI

Kapitali aksionar i DHP është në vlerën e 86 890 000 mijë Lekë i ndarë mes 86 890 aksioneve me vlerë prej 1 000 000 Lekë secili. Aksionet e Shoqërisë zotërohen nga Statkraft Markets B.V., pjesë e grupit Statkraft. Primi i kapitalit aksionar të DHP është në vlerën e 9 690 mijë Lekë.

Rritjet e kapitalit kryhen përmes mbledhjeve të shoqërisë Statkraft Markets B.V.

Bordi i Drejtorëve fokusohet vazhdimisht në përshtatjen e objektivave të shoqërisë, strategjisë dhe profilit të rrezikut me situatën e kapitalit të shoqërisë. Investimet e DHP financohen përmes kapitalit të ri të investuar nga pronari.

TRAJTIMI I BARABARTË I AKSIONAREVE DHE TRANSAKSIONET ME PALËT E LIDHURA

DHP hyn në transaksione me shoqëritë e grupit Statkraft. Të gjitha transaksionet janë të bazuara në kushte dhe parime të zakonshme tregtare.

Udhëzimet kundrejt Bordit të Drejtorëve përcaktojnë që as anëtarët e bordit as CEO nuk mund të marrin pjesë në diskutimin apo zgjidhjen e çështjeve që janë me interes thelbësor personal ose financiar për ata ose për palët e lidhura me ta. Çdo person në një situatë të tillë duhet, me iniciativën e tij, të informojë për çdo interes që ata ose palët e lidhura me ta mund të kenë në zgjidhjen e një çështjeje. E njëjta gjë përcaktohet edhe nga udhëzimet e etikës së Grupit.

BORDI I DREJTORËVE

Shoqëria drejtohet dhe mbikëqyret nga Bordi i Drejtorëve i përbërë nga 3 anëtarë, me mandat 3 (tre) vjeçar, me të drejtë rinovimi.

Anëtarët e Bordit të Drejtorëve emërohen nga Aksionari i Vetëm, Statkraft Markets B.V.

Bordi i Drejtorëve zgjedh nga anëtarët një Kryetar i cili do të kryesojë dhe do të drejtojë diskutimet gjatë mbledhjeve të Bordit të Drejtorëve. Mandati i Kryetarit të Bordit të Drejtorëve duhet të jetë 3 (tre) vite. Në rast të vendeve të lira të ndonjë prej anëtarëve, Bordi i Drejtorëve duhet të zëvendësojë vendin e mbetur të lirë me marrëveshje të miratuar nga Bordi i Drejtorëve, deri në Mbledhjen e Përgjithshëm të radhës të Aksionareve.

Bordi i Drejtorëve ka fuqinë të caktojë Drejtorin e Përgjithshëm (CEO).

QËLLIMI I BORDIT TË DREJTORËVE

Bordi i Drejtorëve zakonisht mbledhet të paktën katër herë në vit. Kryetari i Bordit të Drejtorëve mund të kërkojë mbledhjen e bordit sa herë të jetë e nevojshme.

Bordi i Drejtorëve i jep udhëzimet Drejtorit të Përgjithshëm (CEO) në lidhje me zbatimin e politikave të biznesit të Shoqërisë, monitoron dhe mbikëqyr zbatimin e politikave të biznesit nga CEO, përshtat strategjitë, politikat, procedurat dhe rregulloret e brendshme për të mbikëqyrur dhe kontrolluar në bazë të vazhdueshme veprimtarinë, rekomandon vendimet që do të diskutohen nga Mbledhja e Përgjithshme dhe ekzekuton më pas vendimet e këtij të fundit, sigurohet që shoqëria zbaton ligjet në fuqi dhe standardet e kontabilitetit, shqyrton dhe kontrollon librat e Shoqërisë, dokumentet dhe aktivet etj.

DREJTORI I PËRGJITHSHËM

Drejtori i Përgjithshëm (CEO) administron veprimtarinë e përditshme të biznesit të Shoqërisë dhe përfaqëson atë në lidhje me palët e treta.

Drejtori i Përgjithshëm raporton në Bordin e Drejtorëve në lidhje me zbatimin e politikave të biznesit dhe në rast të përmbylljes së transaksioneve me rëndësi të veçantë për ecurinë e Shoqërisë.

AKSIONARI I VETËM

Aksionari i Vetëm përfaqëson 100% të kapitalit aksionar të Shoqërisë. Bordi i Drejtorëve ose Drejtori i Përgjithshëm nuk mund të marrin asnjë vendim, pa miratimin paraprak të Aksionarit të Vetëm në lidhje me:

- (a) çështje lidhur me aksionet (ose titujve të konvertueshëm në aksione) të Shoqërisë;
- (b) ndryshime në Aktet e Themelimit të Shoqërisë;
- (c) shitje të plotë ose të një pjese të rëndësishme të biznesit të Shoqërisë;
- (d) ndryshime madhore në natyrën ose objektivin e biznesit të Shoqërisë;
- (e) emërimi (ose shkarkimi) i audituesve të Shoqërisë;
- (f) aplikimin e Shoqërisë për likuidim, falimentim apo riorganizim sipas ligjeve të likuidimit ose veprimeve të ngjashme;
- (g) Miratimin e pasqyrave financiare të shoqërisë dhe të RAPORTIT TË ECURISË SË VEPRIMTARISË DHE DREJTIMIT TË BRENDSHËM;
- (h) Shpërndarjen e fitimeve vjetore të Shoqërisë; dhe
- (i) Çdo çështje tjetër që ka nevojë për miratimin paraprak të Aksionareve sipas detyrimeve të legjisllacionit shqiptar.

ADMINISTRIMI I RREZIKUT DHE KONTROLLI I BRENDSHËM

Koncepti i kontrollit të brendshëm përfshin pajtueshmërinë me vlerat bazë të shoqërisë dhe me udhëzimet për etikën dhe përgjegjësinë e korporatës. Funksione të rëndësishme për të siguruar që administrimi i rrezikut dhe kontrolli i brendshëm janë një pjesë e integruar e veprimtarisë së DHP përfshijnë auditimin e brendshëm të Grupit, funksionin e pajtueshmërisë, funksionin e rrezikut të Grupit, njësinë e Rishikimit të Investimeve të Grupit dhe kontrollin e brendshëm të Grupit në lidhje me raportimin financiar.

Administrimi i rrezikut është një pjesë përbërëse e të gjitha aktiviteteve në organizatë dhe në procesin e marrjes së vendimeve. Ai mbështet vendimmarrësit të vendosin prioritetet në veprimet e tyre. Drejtuesit në të gjitha nivelet e organizatës janë përgjegjës për administrimin e duhur të rrezikut. Administrimi i rrezikut është i rregulluar nga rregulla dhe udhëzues.

Ndjekja dhe administrimi i rrezikut janë të inkuorporuar në operacionet e përditshme të biznesit.

Administrimi i rrezikut dhe kontrolli i brendshëm janë pjesë përbërëse e punës së Bordit të Drejtorëve.

Bordi i Drejtorëve duhet të sigurohet që CEO:

- ka përcaktuar instruksione dhe udhëzime të qarta se si do të vendosen në praktikë administrimi i rrezikut dhe kontrolli i brendshëm nga Shoqëria
- ka ngritur procese dhe funksione të përshtatshme për kontroll
- është siguruar që administrimi i rrezikut dhe kontrollit të brendshëm është kryer, dokumentuar, monitoruar dhe ndjekur në mënyrë të kujdesshme

Sistemi i menaxhimit të grupit Statkraft, "The Statkraft Way" (Metoda e Statkraft), përcakton parimet kryesore të grupit dhe siguron një mjedis të shëndetshëm kontrolli për të përmbushur qëllimet dhe synimet e drejtimit. Metoda e Statkraft është e bazuar në parimet ISO për cilësinë dhe sistemet e administrimit mjedisor.

Modeli i drejtimit të DHP ka një përfaqje të bazuar në rrezik në vendosjen e qëllimeve, prioritetëve dhe ndjekjen e biznesit dhe çështjeve të stafit. Funksioni i rrezikut i Grupit është përgjegjës për kuadrin e përgjithshëm të administrimit të rrezikut dhe monitoron rreziqet e përgjithshme në nivel Grupi.

Auditimi i shoqërisë

Funksioni i Grupit për auditimin e shoqërisë është një funksion i pavarur i cili ndihmon Bordin lokal të Drejtorëve dhe drejtimin lokal në vlerësimin nëse rreziqet kryesore administrohen dhe kontrollohen mjaftueshëm. Qëllimi i Auditimit të Shoqërisë është të zgjerojë dhe të mbrojë vlerat organizative duke mundësuar siguri objektive dhe të mbështetur në vlerësimin e rreziqeve, këshillim, dhe informacion lidhur me drejtimin e organizatës, administrimin e rrezikut dhe kontrollin e brendshëm.

Auditimet e brendshme të grupit janë kryer në përputhje me planin vjetor të veprimit. Puna e auditimit duhet të kryhet në përputhje me Standardet Ndërkombëtare të Auditimit të Brendshëm (International Standards for Internal Auditing - IIA).

Menaxheri i Pajtueshmërisë së DHP është përgjegjës për sistemin e raportimit të pavarur të problemeve të lidhura me çështje jo-etike apo të paligjshme. Në rastet kur është i nevojshëm ndonjë hetim, kjo është përgjegjësi e Kreut të Grupit për Auditimin e Korporatës.

Kontrolli i brendshëm i raportimit financiar


CFO i Grupit është përgjegjës për procesin e Kontrollit të Brendshëm të Raportimit Financiar (Internal Control in the Financial Reporting - ICFR) në DHP. Puna e ICFR është e bazuar në kuadrin e COSO për kontroll të brendshëm, të publikuar nga Komiteti për Sponsorizimin e Organizatave (Committee of Sponsoring Organizations) i Komisionit Treadway.

ICFR siguron informacion financiar të besueshëm dhe në kohë gjatë periudhës dhe RAPORTET E ECURISË DHE DREJTIMIT TË BRENDSHËM. DHP duhet të jetë në pajtueshmëri me kërkesat e ICFR.

Veprimtaritë e lidhura me ICFR kryhen nga sistemi i Drejtimit, Rrezikut dhe Pajtueshmërisë (DRP) së Grupit, B Wise. Përmes B Wise, Grupi mund të monitorojë në mënyrë efektive dhe në kohë reale statusin e kontrollit të ecurisë përgjatë gjithë organizatës.

Procesi vjetor për kontrollin e brendshëm të raportimit financiar

Annual process for internal control over financial reporting



Elementët kryesorë të sistemeve ICFR janë:

- **Vlerësimi i rrezikut**

Rrjeti i ICFR të Grupit kryen vlerësime vjetore ku identifikohen dhe vlerësohen rreziqet e raportimit financiar. Qëllimi është të verifikohet nëse shoqëritë e grupit Statkraft kanë kontrollin e duhura për të ulur mjaftueshëm këto rreziqe.

- **Vlerësimi i hartimit të kontrollit**

Proces për të garantuar se kontrollin e brendshme janë hartuar në mënyrë eficiente dhe zbusin rreziqet e identifikuar në një nivel të pranueshëm.

- **Testi i ecurisë së kontrollit**

Çdo tremujor dhe me bazë kampionesh/mostrash, testohen cilësia e ecurisë së kontrollit dhe pajtueshmëria me përshkrimet e kontrollit për të siguruar efektivitetin operacional dhe përmirësim të vazhdueshëm.

- **Raportimi i ICFR tek Komiteti i Auditimit**

Si pjesë e raportimit tremujor, statusi rreth kontrollit të brendshëm i paraqitet Komitetit të Auditimit. Më tej, rezultati i vlerësimit vjetor i lidhur me hartimin e kontrollit dhe efektivitetin operacional raportohet tek Komiteti i Auditimit në tremujorin e parë. Konkluzioni i vlerësimit të rrezikut të raportimit financiar raportohet në tremujorin e dytë. Nëse zbulohen shkelje materiale në ICFR do të raportohen në Komitetin e Auditimit.

- **Ecuria e vazhdueshme dhe monitorimi**

Menaxherët janë përgjegjës për pajtueshmërinë me përshkrimin e kontrollit dhe kërkesat e ICFR. Menaxherët përgjegjës realizojnë një vlerësim vjetor të kontrollit dhe efektivitetin operacional të të gjithë kontrolleve.

Sistemi i parandalimit të mashtrimit

DHP si pjesë e grupit Statkraft ka një sistem për parandalimin e mashtrimit për të shmangur dhe sinjalizuar mashtrimin në procese të lidhura me prokurimin, kontabilitetin, tatimet dhe thesarin. Sistemi i parandalimit të mashtrimit është në zhvillim të vazhdueshëm. Sistemi ka një përjasje të bazuar në vlerësimin e rrezikut dhe përdor metodologjinë e vendosur për sistemin ICFR.

INFORMACIONI DHE KOMUNIKIMI

Duke filluar nga viti 2020, DHP publikon pasqyrat e saj financiare vjetore dhe RAPORTIN E ECURISË SË VEPRIMTARISË DHE TË DREJTIMIT TË BRENDSHËM në faqen e internetit të DHP-së. Çdo vit, DHP dorëzon këto dokumente në Qendrën Kombëtare të Biznesit në Shqipëri.


DHP i kushton rëndësi komunikimit transparent me të gjitha palët e interesuara. Informacioni që shoqëria i siguron aksionarëve dhe palëve të tjera të interesuara duhet të sigurojë mjaftueshëm detaje për të lejuar vlerësimin e vlerave të shoqërisë dhe ekspozimin ndaj rrezikut.

Raporti i Ecurisë së Veprimtarisë dhe Drejtimit të Brendshëm është përgatitur gjithashtu në përputhje me nenet nr. 17 dhe nr. 19 të Ligjit për kontabilitetin dhe pasqyrat financiare nr. 25/2018, date 10.05.2018. Raporti është aprovuar nga Bordi i Drejtorëve të Shoqërisë.

AUDITUESI

Mbledhja e ndërmarrjes emëron audituesin bazuar në propozimin e Bordit të Drejtorëve dhe përcakton një tarifë të audituesit. DHP ka të njëjtin auditues si dhe grupi. Audituesi shërben deri në momentin që emërohet një auditues i ri.

Bordi i Drejtorëve lokal dhe audituesit mbajnë të paktën një takim vjetor ku CEO dhe drejtues të tjerë të Shoqërisë nuk janë të pranishëm. Bordi i Drejtorëve njihet shkurt me pikat më të rëndësishme të raportit të audituesit.



Energjia e rinovueshme është e qëndrueshme dhe me përfitim. Aktivitetet e DHP provojnë që një botë me energji plotësisht të pastër mund të ndodhë sot jo vetëm sepse është e drejtë, por sepse është biznes më i mirë.

The image shows the interior of a large, modern building with a curved, ribbed ceiling. The space is illuminated by recessed ceiling lights and long, horizontal light fixtures. A series of white, rectangular columns supports the structure. The floor is a light-colored, polished material that reflects the overhead lights. In the background, there are white walls and some equipment. The overall atmosphere is clean and architectural.

Treguesit Kryesorë
dhe Matësit Alternativë
të Ecurisë

2021

Treguesit Kryesorë

TREGUESIT KRYESORË FINANCIARË

	Njësia	2021	2020
Pasqyra e fitimit ose humbjes			
Të ardhurat bruto nga aktivitetet e shfrytëzimit	mijë Lek	4 574 011	2 497 784
Të ardhura neto nga aktivitetet e shfrytëzimit	mijë Lek	278 439	1 430 898
Fitimi para interesave, tatimit, amortizimit dhe zhvlerësimit (EBITDA)	mijë Lek	(989 283)	329 502
Zëra financiarë neto	mijë Lek	(91 950)	11 303
Pasqyra e pozicionit financiar			
Prona, makineri dhe pajisje dhe aktivet jo-materiale	mijë Lek	63 922 321	65 331 225
Aktivitet totale	mijë Lek	74 115 910	68 117 222
Kapitali	mijë Lek	66 005 171	65 884 108
Flukset monetare			
Flukset monetare të përdorura në aktivite investuese	mijë Lek	91 593	4 414 119
Mjete monetare dhe ekuivalente me to	mijë Lek	3 826 714	1 073 273

Matësit Alternativë të Ecurisë

Siç përcaktohet në udhëzuesit e ESMA mbi matësit alternativ të ecurisë (MAE), një MAE nënkupton një matës financiar historik ose të ardhshëm të ecurisë financiare, pozicionit financiar, ose flukseve të parasë, ndryshe nga matësit financiarë të përcaktuar ose specifikuar në kuadrin e zbatueshëm të raportimit financiar.

DHP përdor MAE-të e mëposhtme:

Fitimi para tatimit, amortizimit dhe zhvlerësimit (EIBTDA) përcaktohet si fitimi operativ para amortizimit dhe zhvlerësimit. MAE përdoret për të matur ecurinë e aktiviteve të shfrytëzimit. EBITDA nuk duhet të konsiderohet si një alternativë ndaj fitimit operativ dhe fitimit para tatimit si një tregues i veprimtarisë së shoqërisë në përputhje me parimet gjerësisht të pranuar të kontabilitetit. EBITDA nuk është as një alternativë ndaj flukseve monetare nga aktivitetet e shfrytëzimit në përputhje me parimet gjerësisht të pranuar të kontabilitetit.

Fitimi / humbja operacionale (EBIT) është MAE që përdoret për të matur ecurinë nga aktivitetet operacionale.

Të ardhurat bruto përcaktohen si shuma bruto e të ardhurave të njohura në pasqyrat financiare vjetore.

Të ardhurat neto përcaktohen si e ardhura bruto pasi janë zbritur shpenzimet për blerjen e energjisë dhe blerjen e kapaciteteve siç paraqitet në pasqyrat financiare vjetore.

Devoll Hydropower Sh.A.

Adresa:

Zyra Qendrore Tiranë

Rruga Papa Gjon Pali II-të, ABA Business Center

Zyra Nr. 1206

Nipt: K82418002C

Tel: +355 4 450 14 50

Email: info.albania@statkraft.com

Web: www.statkraft.al

